

WANTOK

NIUSPEPA BILONG YUMI OL PAPUA NIUGINI STRET!

32 pes

Namba 1,396

Wik stat long Fonde Mas 29, 2001

70t

Hevi bilong rurel pei
- pes 2

Kot bilong Lasaro i redi
- pes 3

Ol nius long Sepik
- pes 5

Ol Morobe lida i salens long pawa
- pes 9

Panim Bal na winim prais
- pes 30

Lotu long satan i kamapim bikpela wari

VERONICA HATUTASI i raitim

OL EDUKESAN atoriti i wari long ol ripot i kamap long dispela wik olsem wanpela lotu na wari long ripot bilong i kamap long ol Nesenel Hai skul long kantri.

Dispela i bihainim ripot olsem ol sumatin long Keravat Nesenel Hai skul long Is Nu Briten i save mekim dispela lotu. Na ol sumatin lida husat i stap insait long dispela satan lotu grup i lusim ol samting we ol i save lotuim olsem wanpela bun bilong het bilong man, blekpela buk na ol arapela samting moa bilong wokim tudak pasin long en.

Ol ripot i tok ol sumatin lida ya i bin lusim ol samting ya long las Fonde insait long tupela awa bung long skul asembli bihainim ol gutpela toktok na kaunseling we sampela tisa na ol Kristen studen i givim long ol.

Edukesen Seketeri Peter Baki i no bin stap tasol opis bilong em i tok ol i kirap nogut na wari long ripot bilong dispela satan lotu i kamap long Keravat Nesenel Hai na ol arapela Nesenel hai skul insait long kantri.

Opis i tok ol i no kisim yet wanpela ripot long dispela samting na ol i no inap long wokim sampela toktok i sut long dispela samting.

"Opis i no kisim wanpela ripot na olsem mipela i no inap long wokim toktok long dispela samting.
"Tasol mipela i kirap nogut long ripot i kamap long niuspepa long dispela wik.

Opis bilong Sekenderi Skuls Edministresen na Liesen Opisa Simon Arua em rait man long wokim sampela toktok long dispela samting i no bin stap bikos em bin stap long Sekenderi skul prinsipel's konfrens.

"Mipela i harim ol tokwin na mipela wari. Em i wok bilong Gavaning

Kaunsil bilong skul yet long stretim dispela samting pasta'im wantaim tu ol arapela hevi i kamap insait long skul.

"Mipela i no kisim yet wanpela ripot long dispela samting tasol ol edukesen atoriti i no wanbel long dispela kain samting," opis i bin tok.

Wantok i ring long Keravat na ol arapela Nesenel Hai skul long kantri long kisim moa toktok long dispela samting tasol em i hat bikos rot bilong salim na kisim toktok i no gutpela.

Ol prinsipel bilong ol Nesenel Hai skul long Nesenel Kapitel i bin stap insait long wanpela konfrens long Mosbi na *Wantok* i no toktok long ol.

Long ol ripot, dispela satan lotu em ol sumatin i save onaim na prea long satan na ol i holim ol bun bilong ol daiman i bin stat long Keravat moa long 10-pela krismas i go pinis, long 1990.


Ol ripot i tok ol skul atoriti long Keravat i bin save long dispela satan lotu tasol ol i no mekim samting tumas long stapim.

Ripot i tok dispela lotu ya i go tu long ol narapela Nesenel Hai Skul long kantri tu, moa yet long Passam na Sogeri.

Ripot i tok tupela sumatin husat i bin stap insait long dispela lotu i dai, wanpela long Passam las ya na wanpela long Keravat, tupela krismas i go pinis.

Ol lain bilong dispela satan lotu i save kisim ol spakbrus, wokim ol pamuk pasin, bagarapim ol samting long skul na mekim ol arapela bikhet moa bihainim nem we ol lida na memba i save kisim long ol lain i kam pas long ol long skruim dispela lotu na nem.

Ol ripot i tok bikos long dispela, planti sumatin long Keravat i no save wokim gut tes na ol nesenel eksam long skul.



Ami givim bek ol gan • Ol sampela ami long Mosbi i soim ol samting bilong pait ol i kisim long banis. Ol i givim olgeta i go bek pinis na Praim Minista Sir Mekere Morauta i tok nogat man bai kisim sas. Foto: AFP - TORSTEN BLACKWOOD.

Ol Morobe lida i bruk

YAKAM KELO i raitim

BIKPELA pait i klostu bruk namel long ol sapota bilong Morobe Gavana Luther Wenge na ol sapota bilong Ainea Sengero na Andrew Baing long fran bilong Morobe Provinsal Gavman opis long Tunde dispela wik.

Gavana Luther Wenge i bin kam wantaim 26 kaunsil presiden long wanpela bas long train go insait long haus asembli taim ol i lukim olsem geit i lok. Olsem na Gavana Wenge i kisim ston na brukim lok na ol igo insait tasol ol i kamap bungim stret Mista Sengero, Andrew Baing, Thomas Pelika, Jerry Nalau na Benson Suwain na ol sapota bilong ol.

Ol ripot i kam long Morobe edministresen i tok tupela grup wantaim i bikmaus igo i kam na belhat na kros i kamap. Inap sampela taim bihain ol i go insait long asembli na pasim wanpela mosen tasol long rausim Lod Meya bilong Wau Bulolo taun kaunsil Edward Ringau. Na ol i surukim asembli i go moa inap long mun Ogas.

Dispela olgeta tok pait na bikmaus ya i kamap bikos lain bilong Andrew Baing na Thomas Pelika i laik kamapim vot i nogat bilip egensim Gavana Luther Wenge na Gavman bilong em. Ol i tok dispela gavman bilong Luther Wenge i westim bikpela

mani bilong provins na tu i wok long givim graun bilong Lae siti i go aut long ol ausait lain nabaut.

Toktok bilong kamapim vot i nogat bilip long Gavman bilong Luther Wenge i bin kamap wanpela mun i go pinis taim Gavana i rausim kaunsil presiden bilong Wafi Smith Conelius olsem siaman long kabinet bilong Sam Sewe. Mista Wenge i tra'im gen long rausim Mista Conelius long sia bilong Deputi Gavana tasol Ogenik Lo i soim olsem em i nogat pawa.

Mista Conelius i bin go aut na sutim sampela bikpela hevi toktok i go antap long Gavana Luther Wenge long tromoi moa long K1.1 milien long raun long helikopta i insait long Morobe provins. Mista Conelius tu i bin kisim sas long las mun long hevi bilong mani bilong Wafi Lokol Level Gavana Kaunsil we rekot i no bin kamap klia. Long las wik Mista Wenge na Conelius i mekim pren gen.

Olpela edministreta bilong Morobe Ainea Sengero tu igat sampela komplek i stap egensim Gavana Wenge. Ol toktok bilong enti VAT kempen we mani i go long baim loya bilong holim dispela kot na ol mani we pablik i tromoi long bungim na kamapim kot egensim Nesenel Gavman long dispela takis lo (Velu Eded Takis).

Wantok i bin sekim haus bilong Gavana Luther Wenge long Mande moniro na paini-

maut olsem olgeta kaunsil presiden i bin slip long Stet Haus long Fraide i kam inap long Tunde aste. Meri bilong Gavana i bin holim telefon na tokim *Wantok* olsem olgeta kaunsil presiden i kem long hap long Fraide i kam.

Memba bilong Makam Andrew Baing i tokaut olsem em bai salim ripot i go long Minista bilong Provinsal na Lokol Level Gavman Afeas lairo Lasaro long rausim pawa bilong Morobe Provinsal Gavman.


Mista Baing i tok em i gat 35 ripot we i sutim tok long ol kainkain paul na krangi pasin insait loh Gavman bilong Luther Wenge.

Em i tok sapos ol Provinsal Afeas i painimaut olsem em gat bikpela hevi tru i stap long Gavman bilong Luther Wenge, em i laikim bai Minista Lasaro i rausim pawa bilong Morobe Provinsal Gavman.

Mista Baing i tok olgeta dispela ripot bilong ol samting i no ron stret o ol paul insait long Gavman em Deputi Gavana Smith Conelius yet i autim pinis.

Tasol Gavana Luther Wenge i tokaut olsem em bai kisim kot oda long stapim dispela samting long kamap bikos Morobe edministresen i mas wok na ron yet long sevim ol pipel bilong provins wantaim ol sevis na developmen.

(Lukim moa ripot long pes 9)



NIUGINI AILAN NIUS



Ganeboku amamasim silva jubili

PLANTI pipel i no save long Ganeboku Katolik Sios insait long Talasia. Tasol long las Sarere planti long ol dispela pipel i luksave nau long dispela liklik haus lotu, taim strongpela na switpela singsing lotu na musik i pairap na i brukim stret kapa na insait bilong liklik haus lotu i bin pulap we i mekim na planti manmeri i sanap ausait long taim ol bin wokim wanpela lotu bilong makim na hama-masim 20 yia bilong bilong wok pater long Pater Gabriel Pinda insait long Katolik Sios.

Dispela silva jubili selebresen i bin stat yet long Tunde long ol arapela Katolik Sios insait long Talasia na i kam long Sarere i go pinis.

Pater Gabriel Pinda i bin statim wok pris long yia 1976 na i bin wok misinari long planti hap bilong Wes Nu Briten na ol skul na ol koles insait long Papua Niugini na ovasis.

Wanpela bikpela mak bilong WTK bilong em, em long yia 1984 taim em i bin go long Rom na skulim Pop John Paul long tok pisin bilong rereim Pop long lukluk raun bilong em i kam long Papua Niugini long 1984.

Pater Gabriel husat i wanpela strongpela na saveman bilong pilai Australian Rules Fubal. Mama i karim em insait long Ganeboku ples long Talasia. Em i wanpela long ol nambawan pikinini Wes Nu Briten long holim wok pris na em i nambawan man tru bilong ol Talasia pipel long kamap Pater.

Wes Nu Briten Gavana, Clement Nakmai husat i bin ges ov hona long dispela bung i bin tokim ol pipel olsem sakrifais, hatwok na kisim pen na hevi em ol tripela bikpela samting tru man i mas karim sapos em i laik go het na win insait long laip na



• Ol lain nogut ya bilong Talasea i soim stail bilong ol long amamasim bikpela de bilong Silva Jubili.

wanem wok em i wokim. Em i tok moa olsem ol singsing na amamas bilong yumi tude i mas soim yumi tu olsem dispela rot we yumi bihainim bilong go het na win i no isi olsem na yumi mas redi long sakrifais, wok hat

na karim pen na hevi pastaim long yumi go het na win. Bihain long lotu na ol toktok i kam long ol bikman, ol singsing tumbuna Kuaia na ol stringben i bin mekim save tru i go inap apinun stret.

Wes Nu Briten kamapim join vensa wantaim Airways

FRED RAKA i raitim

Cape Hollman Corporation, bisnis kampani bilong Wes Nu Briten Provinsel Gavman bai go insait nau long wanpela join vensa bisnis wantaim wanpela biknem hotel kampani bilong Mosbi, em long Airways Hotel, bilong ronim na menesim wanpela olpela hotel bilong Kimbe ol i kolim long Palmldge Hotel. Siaman bilong Cape Hollman Corporation Mista Alois Lavu i bin tokaut long dispela samting insait long hotel bung kaikai long San Remo club we Gavana Clement Nakmai, provinsel edministreta, Mista Egon Vava, Deputi Gavana na ol memba bilong provinsel asem-bli i bin kamap.

"Dispela mun i go long hotel bisnis i bihainim tasol ol senis

na nupela wok kamap we i wok long kamap nau insait long kampani bilong traime na lip-timapim wok na nem bilong kampani we em i ken wokim na kamapim profit na i no stap olsem hevi bilong gavman olsem long planti yia i go pinis," Siaman Lavu i bin tok.

Nupela Menesing Dairekta bilong Cape Hollman Mista Roland Kerina i bintok tu olsem ol senis long ol bod o dairekta na menesmen tim na stretim ol operesen bilong kampani, na dispela nupela mun nau i go insait long hotel bisnis i bihainim tasol singaut na laik bilong provinsel gavman long lukim olsem ol stretpela pasin i mas stap insait long lukautim mani bilong kampani na kampani i mas kamapim profit we i ken sevim na helpim tu ol pipel na provinsel gavman.

Em i bin tokaut tu olsem seholda insait long dispela nupela hotel bisnis i sanap olsem, Airways Hotel bai holim 51%, na Cape Hollman bai gat 49%. Em i tok moa olsem insait long menesmen agrimen, Airways Hotel by lukautim olgeta wok na operesen bilong hotel, we nem i senis nau i go long Kimbe Bay Hotel.

Gavana Clement Nakmai i bin hamamas tru long dispela nupela join vensa long taim em i bin lonsim dispela nupela bisnis dil Gavana Nakmai i bin tok olsem, Cape Hollman Corporation i wok long muv fowet nau na dispela bai bringim moa luksave i go long ol pipel bilong Wes Nu Briten olsem, nau ol i gat wanpela bisnis we ol yet i papa long em.

Nu Ailan Fes Asosiesen i helpim developmen long provins

TONY SAPAN i raitim

DISISEN we fauna bilong Nu Ailan Fes Asosiesen (NIFA) na Gavana, Paul Tohian i bin mekim long lonsim tupela sab brens bilong asosiesen long wes kos Kara/Nalik eria bilong Kavieng i bin kisim bikpela sapot long ol pipel na ol i mekim em wanpela sief long eria.

Ol Maimai wanpelin bin mekim Mista Tohian wantaim Vais Siaman na bos bilong Kavieng taun Rommy Tobo i kamap olsem sief insait long wanpela seremoni long ples Panachais i no longpela taim i go pinis.

Ol lida bilong Maimai wanpelin bin wokim dispela samting long soim amamas bilong ol long tupela man bilong larim ol pipel i go insait long wok bilong autim ol bili bilong NIFA long lons bilong tupela sab brens long ples bilong ol.

NIFA em wanpela asosiesen we Gavana Tohian i go pas long kirapim long pait bilong welfea bilong ol pipel na kamapim developmen insait long provins. Masi wanem politikel pati ol bikman na pipel i stap long en, asosiesen i op long ol i kamap memba. Na dispela i wok long Kavieng long dispela taim wantaim ol memba bilong ol wan wan politikel pati i stap insait long NIFA long helpim skruim developmen na gutpela sevis na sindaun bilong ol pipel long provins.

Bihainim pasin kastom, Gavana Tohian na Mista Tobo i bin putim ret-pela laplap wantaim ol biulas bilong het na ol narapela hap long bodi na wanpela danis grup i bin bringim ol i go insait long wanpela pletform we ol Maimai i bin redim pinis na wokim pasin tumbuna long mekim tupela i kamap ol sief.

Tupela i kamap olsem ol Maimai na ol i gat pawa nau olsem ol tredis-

enel lida na ol i gat pawa long ol samting we i sut long komyniti aninit long Maimai lidasip sistem.

Tupela bikman i bin tokaut long seremoni olsem ol bai bihainim pasin kastom we ol i go insait long en na wok long lukautim gutpela sindaun insait long ol komyniti olsem sistem i laikim ol long en.

Samting olsem 700 pipel i bin witesim dispela seremoni na ol famili memba na hauslain bilong tupela bikman i bin stap tu long en.

Long wankain taim tu, ol sab brens long is kos Kara na Nalik eria i bin makim ol eksekutiv bilong ol pinis.

Ol dispela eksekutiv i bin mekim tok promis long ai bilong sinia majistret Mandik Kapin taim ol bin lonsim brens long ples Larabina.

Taim Gavana i tok amamas long nupela eksekutiv, em i tok pait long politiks insait long las pela 25 kismas i no kampim gutpela wok developmen long provins.

Tasol em bin tok nau ol pipel i save long NIFA na lidasip, ol i luksave olsem insait long tripela kismas asosiesen i kamap ol i lukim sampela wok developmen. Em ol samting olsem putim kolta long Fangalawa-Tandis rot, hap rot long namatanai na Bopire na gavman i katim hap mani inap long K1 milien long aggre-tim Bopire i go long Kartu long dispela yia na narapela K1milien long aggre-tim Lavongai rot.

Gavana Tohian i tok em i laikim ol Nu Ailan pipel long wok wantaim NIFA, maski ol i kam long wanem hap na dispela em rot we provins i mas bihainim long skruim ol wok developmen.

Ol bin lonsim tu tripela nupela sab brens long mun Janueri long Lamborn, Anir na Tanga Aialn.

Ol Nu Hanova Ailan grup i gat ful brens. Insait long neks etipela mun, ol bai opim ol nupela sab brens long ol arapela eria bilong provins.






SAUTEN



RIJON




Milen Be Gavman helpim 35 sumatin wantaim skul fi

Milen Be Gavman helpim 35 sumatin wantaim skul fi. Mista Setepano i tok ol seleksen komiti husat i go pas long dispela helpim i kisim pinis 61 aplikesen i kam long ol studen na ol i oraitim tasol 35 aplikesen. Ol i no bin oraitim narapela 26 aplikesen bikos ol dispela aplikesen i no kamap stret long mak bilong kisim dispela helpim

Milen Be Gavman helpim 35 sumatin wantaim skul fi. Mista Setepano i tok ol seleksen komiti husat i go pas long dispela helpim i kisim pinis 61 aplikesen i kam long ol studen na ol i oraitim tasol 35 aplikesen. Ol i no bin oraitim narapela 26 aplikesen bikos ol dispela aplikesen i no kamap stret long mak bilong kisim dispela helpim

Milen Be Gavman helpim 35 sumatin wantaim skul fi. Mista Setepano i tok ol seleksen komiti husat i go pas long dispela helpim i kisim pinis 61 aplikesen i kam long ol studen na ol i oraitim tasol 35 aplikesen. Ol i no bin oraitim narapela 26 aplikesen bikos ol dispela aplikesen i no kamap stret long mak bilong kisim dispela helpim

Milen Be Gavman helpim 35 sumatin wantaim skul fi. Mista Setepano i tok ol seleksen komiti husat i go pas long dispela helpim i kisim pinis 61 aplikesen i kam long ol studen na ol i oraitim tasol 35 aplikesen. Ol i no bin oraitim narapela 26 aplikesen bikos ol dispela aplikesen i no kamap stret long mak bilong kisim dispela helpim



Hevi namel long soldia na Gavman....

• Ol soldia i kalap long ka na ron i go kam long las wik long Mosbi long autim bel kros bilong ol egen-sim Gavman. Tasol dispela wik gavman i stretim bel hevi bilong ol na olgeta samting i go orait nau. Foto: IVAN BAYAGA.

Sogeri kamapim developmen asosiesen

KENNEDY EDENE i raitim
OL pipel bilong Sogeri insait long Sentrel provins nau yet i gat wanpela rurel komyuniti developmen ogenaiesen.

sevis bin kamap tu. Vais presiden bilong Hiri Wimens Kaunsil Misis Inoa Kopy na Mista Jonathan Erehe, Kodineta Yut na Sosel Sevis bilong Hiri distrik tu i bin kamap.

insait long Agrikalsa na wok insait long praivet kamapim na ogenaiesen nau em i stap insait long dispela nupela asosiesen bilong ol Sogeri pipel.

Dispela nupela ogenaiesen em ol i kolim Sogeri Intagreted Developmen Asosiesen (SIDA) na wok bilong SIDA, em long traime na helpim wok bilong kari-maut ol guds na sevis i go long rurel komyuniti insait long Sogeri.

Ol gavman opisas long dispela taim em long witnesim apoinmen bilong SIDA bod ov eksekyutiv na tu ol kam long promotim gutpela wokbung namel long gavman wantaim ol pipel insait long komyuniti. Vais presiden bilong SIDA em Mista Bob Broboro, tresera Misis Kila Jack na Kunuba Muru em ol makim SIDA sekreteri wantaim tu 13 bod wokong komiti.

Mista Bob em bilong Ogotana insait long Sogeri. Em bin holim asisten Jenerol Menesa posisen bilong Ilimo Poultry, Rises na maketing Opisa bilong Koiari Developmen Holdings na nau yet em holim wanpela bikpela wok insait long Kopy Industri Koperesen (CIC) olsem mausman bilong Sentrel provins long CIC bod.

Man husat i bin statim dispela grup o asosiesen em Mista Narai Billy husat save bosim na operetim Koiari Tours Kampani insait long Sogeri yet.

Bihain long ol votim nupela presiden Mista Narai Billy tok aut olsem, em i amamas long ol pipel olgeta tras long em na makim em long presiden na ronim operesen bilong SIDA.

Mista Bob tok, em amamas long ol pipel i makim em olsem namba tu bos. Em tok em bai helpim kirapim SIDA taim em yangpela long operesen bilong em.

Pastaim em bin holim dispela asosiesen olsem interim presi-den tasol. Dispela miting em sampela gavman opisa bilong Sentrel provins edministresen na Koiari Lokol levov Gavman Kaunsil Edministresen na sampela kaunsila bin kamp.

Em tok dispela em nupea samting na em givim bikpela salens long karim aut na lidim ol grasrutis pipel. Mista Billy tok amamams tu olsem SIDA bod em miks ol man na meri i makim ol pipel.

Tasol em bai wok tasol stap olsem inap em i lukim SIDA i kamap na ron gut long bihain taim. SIDA i opim wanpela opere-tim akaun wantaim Saut Pasifik Benk na bai rejistiam asosiesen wantaim IPA o Invesmen Promosen Atoriti (IPA).

Insait long Sentrel provins Edministresen Misis Jenny Vagi husat em projek opisa bilong Divisen ov Welfea na Sosel

Bob i gat bikpela eksperiens

Bihain long rejistresen bai ol lonsim SIDA tasol deit bai ol i tok save bihain.

Makmap askim Mekere long bringim bek pawa long provins

Gavana bilong Western provins Nobert Makmap i tokaut olsem ol pipel bilong provins i tok strong long Nesene! Gavman i mas kisim bek Flai Riva Provinsal Gavman i kam bek. Mista Makmap i tok i gat kain kain samting i wok long kamap long provins olsem na em i laik surukim dispela tingting bilong ol pipel long askim Nesene! Gavman long larim Provinsal Gavman bilong ol i kam bek long pawa long stretim ol dispela hevi. Mista Makmap i tok ol ripot bilong kea teka edministreta Ruma Tau olsem K43 milien i paul long provins i no tru. Bikpela dinau o mani i go aut tasol em long K1 milien kot oda we

Pioneer Health Service i kisim egensim Gavman long brukim kontrak. Em i tok tu olsem i gat bikpela luksave olsem kea teka edministreta wantaim edministresen bilong em i wok long abrusim na dauni sampela gutpela wok na sevis long i go long pipel. Narapela hevi tu em Mista Makmap i tok hevi bilong ol pipel insait long bikpela maining bilong OK Tedi bai ino kamap gut bikos Gavman bilong ol i no stap long toktok na karim hevi bilong ol pipel long ol bung bilong Ok Tedi. Ol lida na ol pipel long Saut na Not Flai eria i bin salim planti pas i go long Praim Minista na Minista bilong Provinsal na Lokol Level Gavman

Afeas planti taim long traime bringim bek pawa bilong Provinsal Gavman bilong ol. Mista Makmap i tok Praim Minista yet i bin tokaut pinis long em olsem em bai toksave long Provinsal Gavman na Lokol Level Gavman Minista long mekim ripot i tok long NEC long bringim bek pawa bilong Western provins olsem na ol i wok long wetim yet dispela samting long kamap. Em i tok disisen bilong kot ol i bin kamapim tu ino kamaut yet na ol i ting nogut kot i wok long werim yet konstitusenel referens bilong Enga na Sauten Hailans provinsa gavman bihain bai ol i tokaut long disisen bilong ol.

Dispela Wik **FOODWORLD** *Spesols!*

Suncrush Cordial 750ml	K1.99	Globe Curry Chicken 300gr	K2.30
Suncrush Cordial 2ltr	K4.58	Pork Sausage per kg	K6.95
Nature Soft Toilet Roll 4 pack	K2.85	Maggi Noodles 85gr	K0.50t
Palmolive Soap 100gr	K0.83t	Nambawan Cordial 750ml	K1.65
Diana Tuna 380gr	K2.40	B29 Detergent Powder 100gr	K0.71t
Steele Steelwool 5's	K1.44	Zap Mosquito Coils 12	K0.75t

Supa Spesol Prais!

Hamamas na baim kaikai long Boroko Foodworld Gordons!

Planti moa kaikai prais i go daun long en!
Ph: 325 7566, 325 7310 Fax: 325 7096

EXTENDED TRADING HOURS

Monday to Wednesday - 8.00am to 7.30pm
Thursday / Friday - 8.00am to 8.00pm
Saturday / Sunday - 8.00am to 7.00pm



Genoka setelmen kisim taim long wara saplai

SAPE METTA i raitim

PLANTI toktok na komplem i wok long kamap nau insait long wanpela bikpela setelmen long Goroka, Isten Hailans bihain long Goroka Taun Atoriti i pasim wara saplai i go daun long hap inap moa long tripela mun olgeta.

Na dispela pasin bilong pasim wara saplai i mekim na moa long 7,000 manmeri na pikinini long Genoka setelmen i kisim bikpela taim tru.

Mekim na ol lidaman bilong Genoka Setelmen Komyuniti i wok long komplem yet long wanem ol i gat bikpela wari long ol lain manmeri na pikinini bilong setelmen, long wanem planti long ol i wok long painim ol kainkain sik bihain long ol i kisim na dring wara long ol baret, hulwara na ol arapela wara we i no fit

long ol lain manmeri na pikinini i kisim na dring long en.

Komyuniti lida na mausman bilong Genoka Setelmen Komyuniti, Jerry Uba i tokim Wantok olsem ol lain bilong taim atoriti i bin pasim wara saplai i go daun long setelmen inap moa long tripela mun nau.

Tasol bipo long ol i bin go het na pasim wara saplai, ol i no bin toksave long wanem as tru na ol i pasim.

Em i tok nau yet planti ol mama na sampela papa tu i wok long komplem long wanem planti ol liklik pikinini i wok long painim sik bihain long ol i wok long dring ol doti wara long baret, hul wara na ol arapela wara we i no gutpela long ol i ken kisim na dring long en.

Mista Uba i tok em sampela ripot bilong ol pikinini i painim sik, tasol i nogat ripot

bilong ol pikinini i dai.

Em i tok ol lida man bilong setelmen komyuniti i salim wanpela strongpela pas i go pinis long Goroka atoriti menesa, tasol long nau yet i nogat wanpela gutpela bekim i kam bek long ol.

Mista Uba i tok sapos i nogat wanpela bekim i kam bek na atoriti i go het yet na pasim wara saplai na sapos sampela pikinini long setelmen i painim hevi long sik na i dai, em bai bungim bikpela hevi tru namel long atoriti na ol lain manmeri bilong Genoka setelmen.

Em i askim atoriti long opim na larim wara saplai i ron gen i go daun long setelmen bipo long sampela kain hevi bai i kamap.

Wantok i traim long kisim taun menesa long harim sait stori bilong atoriti, tasol i hat long kisim em.

Kaunsela laikim gavman rausim Enga edministreta

WANPELA kaunsela long Wabag i singaut long Praim Minista Sir Mekere Morauta long rausim kete-ka edministreta bilong Enga, Kuldapen Talyaga.

Dispela i bikos ol eksen bilong Mista Talyaga i bagarapim belisi insait long provins.

Kaunsela Ikipae Maso i tok ol pipel bilong Enga i luksave long disisen bilong Nesenel Eksekutyiv Kaunsel (NEC) na daunim ol bel kros bilong ol long larim lo i karimaut wok bilong em olsem Gavana Peter Ipatas i askim.

Tasol Mista Maso i tok ol sampela eksen bilong kete-ka edministreta bai kirapim gen tingting bilong ol pipel.

Kaunsela i tok Mista Talyaga i raun olsem wanpela gavana na westim planti mani long baim helikopta long raun na

peim ol skul sabsidi.

Mista Talyaga i mekim ol toktok long tok ples bilong ol Enga pipel olsem ol sapota bilong gavana na ol wanlain stret na dispela i mekim ol pipel i belhat.

Mista Maso i tok sampela de i go pinis i bin gat wanpela kros toktok namel long ol lain bilong gavana na lain bilong Mista Talyaga long boda bilong taun na sampela haus i paia na ol i bin sut long gan tu.

Em i tok ektig edministreta i no sapos long kirapim tingting bilong ol pipel long kros na pait tasol em i mas mekim bai disisen bilong NEC i karim kaikai.

Kaunsela Maso i tok em i makim maus bilong planti ol pipel bilong Enga husat i wok long stap sori long saspensen bilong Enga Provinsel Gavman.

Kaunsela i tok: "Sapos Praim Minista i gat tingting long ol pipel bilong Enga, em i mas makim narapela man bipo long ol pipel i kisim lo i go insait long han bilong ol yet na mekim trabel."

Em i askim Sir Mekere long sekim gut situesen bilong Enga na sekim provinsel plis komanda o hailens divisene komanda na ol sampela pablik sevan na ol bisnis haus long Wabag na bihain rausim Mista Talyaga hariap.

Mista Maso i tok bihain long dispela bai ol daireksen bilong NEC o pasin bilong kot i ken kamap.

Mista Talyaga i bin wok olsem edministreta long 1996 i go inap long 1999 we ol dispela yia i gat planti toktok long ol na ol i no inap long makim em long nambawan taim, em i tok.

NFA kirapim gen lalibu fores besin

JOE KANEKANE i raitim

WOK redi bilong kamapim gen ol diwai plentesen long lalibu besin i wok long go yet na Nesenel Fores Atoriti (NFA) i laikim bai ol papagraun na ol stekholda bilong dispela projek i mas stretim toktok hariap.

Jenerel Menesa bilong NFA, Dike Kari i tok em i kam bek long ples bilong ol papagraun na ol lida we em i bin go na toktok wantaim ol.

Em i tok sapot i stap pinis long dispela projek. Ol i nidim 20,000 ektas bilong graun ol pipel i no yusim yet na dispela em i tok bai kamap wantaim komitmen bilong ol papagraun long givim graun bilong ol.

Mista Kari i tok i gat gutpela sait bilong ol plentesen diwai insait long eria bikos ol diwai ol i planim long 30 krismas i go pinis i redi nau long rausim. Dispela i helpim tu ol papagraun long lukim gutpela sait bilong dispela bikpela projek.

Mista Kari i tok olsem wanpela yangpela opisa, bikpela projek em i bin mekim em Orere plentesen na dispela traiel projek i bin kamap gut na NFA i laik kamapim projek gen.

Mista Kari i tok tupela bilong ol opisa bilong ol bai stap long lalibu. Tupela opisa i gat haus pinis na nau ol i bai traim long kisim wanpela traka i go na ol narapela masin samting long kirapim dispela projek.

Em i tok wanpela saintifik risets bai kamap tu we ol i ken yusim risets ya long larim ol sampela kain ol animel na ol plaua, gras o diwai we ol i lukim olsem ol dispela samting i sot na sapos ol i dai bai ol i pinis olgeta.

Mista Kari i tok tingting long kamapim dispela projek i wok long kamap bikpela nau olsem na em i bikpela samting long tingim ol nara-

pela samting tu olsem laipstail na ol narapela sait bilong projek.

Em i tok projek bai stap longpela taim olsem na ol i no laik bagarapim sampela eria bilong ol pipel.

Ol pipel i mas luksave tu olsem dispela projek bai benefitim ol lain husat bai kam bihain olsem na ol i mas save long dispela.

NFA i tokim ol pipel pinis olsem em i no gat intres long ol kros bilong graun namel long ol papagraun.

Mista Kari i tok ol i tokim ol papagraun pinis olsem wanem kros pait kamapim bikos long dispela projek bai wanem klen statim kros bai lusim sans bilong em long stap insait long dispela projek. NFA i wok wantaim ol wanwan klen na i no ol traip na dispela em long stapim wanem hevi bai kam bihain.

Mista Kari i tok ol i wok long stretim toktok yet wantaim ol dona lain na em i bilip bai ol i kisim sampela gutpela ansa klostu.

Em i tok projek bai bringim planti benefit i go long eria long sait bilong employem na bihain taim ol diwai i redi bikos plentesen i ken kisim planti ol bikpela indastri i kam insait long projek eria.

Mista Kari i askim ol pipel long besin long helpim dispela projek na no ken kamapim ol rabis tingting long dispela projek.

Em i tok taim projek i stat, bai i gat planti benefit i kam na projek i nidim helpim bilong olgeta lain long kamap gut, em i tok.

NFA i wok long traim long kirapim gen ol olpela plentesen we ol i lusim pinis wantaim tingting long kisim ol diwai na planim sampela moa. Dispela ol plentesen em: Lapeigu, Fayantina, Vunapalading, Braun Riva na Umsis long Morobe Provins.

The sweetest thing
Great for a picnic
Great for the office
Great for the village
Now that's refreshing

2in1
1

RAMU RAMU SUGAR
NATIONAL No.1 2in1

No.1 sugar and Tea Pack

A combination of 25 Ramu Sugar sachets of sweet cane sugar from the Ramu Valley and 25 National No.1 Tea bags of carefully selected tea leaves from the Highlands

Madang Nius



CDS helpim litresi progrem long Sumagaria

Komyuniti Developmen Skim (CDS) i givim K15,800 long wanpela litresi progrem o pasin bilong rit na rait long surukim wok bilong ol long Sumagaria eria bilong Usino-Bundi distrik.

Litresi kodineta bilong Sumagaria, Amos Legai i givim bikpela tok tenkyu long CDS long luksave long wok bilong ol na helpim ol long taim ol i nidim fanding stret.

Mista Legai i tok long 1993 i kam inap nau ol i bin painim hat tru tasol CDS long Madang opis i givim mani long strongim litresi progrem na em i amamas long dispela.

Mista Legai i tok ol lain husat i save wok hat long kamapim litresi progrem em Sama Institut ov Lingwistik (SIL), PBT na Paionia Baibel Trenseta. Ol pipel bilong Sumagaria tu i bin helpim dispela progrem.

Em i tok longpela taim ol i bin askim long fanding na nau em CDS i harim kraik bilong ol na helpim ol.

Mista Legai i tok ol bai yusim dispela K15,800 long ronim skul bilong lainim ol bikman long rit na rait na skulim ol liklik pikinini long tokples skul na pri skul.

Ol bai yusim mani ya tu long surukim wok bilong helt sevis insait long Sumagaria.

Mista Legai i tok tu olsem ol bai ronim wanpela woksop we bai stat long mun Jun long Usino stesin.

Long wankain taim wanpela vidio kaset we i soim ol wok bilong hau long tanim Baibel i go long tokples bai kam aut klostu long ol pipel i ken lukim.

Momase rijinol direkta bilong SIL long PNG, Douglas Bennett i tok PNG Baibel Trenseta, Paionia Baibel Trenseta, Baibel Sosaiti bilong PNG na SIL i bin sponsaim dispela vidio prodaksen.

Mista Bennett i tok olgeta foapela grup i helpim long wanwan wei bilong ol na dispela

em i nambawan taim ol i wok wantaim long wanpela projek.

Em i tok bikpela tingting bilong kamapim dispela vidio em long givim salens long ol sios insait long PNG long kamapim wok bilong tanim baibel. Dispela vidio prodaksen em long kirapim tingting bilong ol manmeri insait long kantri long tanim baibel tu.

Mista Bennett i tok ol lokol pipel tu i mas save olsem ol i ken mekim planti samting olsem wanpela komyuniti long tanim baibel we ol i no nidim ol wait man o manmeri long narapela kantri long kam na lainim ol.

Gavana bilong Manus, Stephen Pokawin i bin soim nambawan so bilong dispela vidio prodaksen long Diwain Wod Yunivesiti long las mun na tok ol lain bilong tanim baibel i save mekim planti hat wok long strong bilong ol yet. Taitel bilong vidio em ol i kolim "Kam Yumi Pul."

Modilon haus sik rausim 13 manmeri bilong kerosin hevi

LYNNE MINIRU i raitim

MADANG Jenerel Hospitel i rausim pinis 13-pela ol lain husat i bin painim hevi long kerosin na sevenpela tasol i stap long haus sik. Tripela man na foapela meri. Wanpela bilong ol em wanpela liklik boi.

Wanpela sista husat i save wok long sejikel wod o disasta yunit i tok ol 13 manmeri ol i pinisim long haus sik i orait na ol i larim ol i go long ples bilong ol. Narapela sevenpela husat i stap yet long haus sik bai wet tasol inap long nupela skin ol i putim antap long ol skin i paia i gro i go bek na bihain ol i ken rausim ol i go long ples bilong ol.

Em i tok ol i tokim ol lain ol i bin rausim pinis na ol dispela sevenpela long haus sik long no ken go raun tumas long san. Em i tok sapos ol i raun long san bai san i ken kamapim hevi long skin bilong ol gen.

Sista i tok nogat moa manmeri i kam long haus sik long kisim helpim long dispela birua na dispela i soim olsem problem bilong kerosin i go daun nau.

Tupela speselis nes bilong Royal Brisbane haus sik long ol liklik pikinini husat i bin helpim ol nes na dokta long Modilon haus sik i go pinis long Australia. Sista bilong disasta yunit i tok tupela speselis nes ya i bin soim em wanem samting long mekim bihain long tupela i go bek olsem.

Sevenpela bilong ol lain husat em B.P i bin

salim i go long Australia i orait nau na tripela i stap yet na foapela i kam bek long kantri.

Ripot bilong wok painaut i go insait long dispela hevi i painim olsem petrol i bin miks wantaim kerosin na dispela i kamapim birua we faivpela manmeri i dai pinis.

Wankain birua i bin painim tu man husat i save kirapim nek bilong Madang, Jans Talad.

Mista Talad i bilong ailan Bilila na lam i bin pairap na kukim haus kuk bilong em wantaim olgeta samting insait.

Em i bin go long bikpela haus sik long lukim pikinini meri bilong em taim ol nius lain i go raun long ples bilong em.

Bikpela sista bilong Mista Talad, Cathy Alung i tok kerosin lam i bin pairap na kukim haus kuk bilong ol wantaim olgeta samting i stap insait. Em i tok birua i painim long nain kilok samting long nait.

Misis Alung i tok nau ol i nogat ples bilong kukim kaikai bilong ol. Ol pipel long Bilila i askim Madang provin sel gavman long helpim ol.

Em i tok Britis Petrolium o B.P husat em kerosin bilong ol i bin kamapim ol dispela birua i soim gutpela pasin na go givim ol kaikai samting olsem rais, suka, spun, fok, bokis bisket na ol narapela samting long helpim ol famili bilong Mista Talad.

Ol pipel i no baim moa kerosin long B.P. Ol i baim long Mobil na Sel na tok kerosin bilong tupela kampani ya i gutpela long yusim.

SWIPE & WIN COMPETITION

Competition starts on the 9th of March and ends on the 4th April 2001



Simply swipe your SaveCard and you could be a lucky winner.

Commencing 14th March 2001, 20 of PNGBC's branches nationwide will each be drawing three (3) EFTPOS receipts every week for three weeks. That's 60 lucky SaveCard holders per week.

- **20 Weekly Prizes :** 1st Prize **K200**
- : 2nd Prize **K150**
- : 3rd Prize **K100**

Major Draws : On the 4th April 2001, 20 lucky winners will receive **K500** each



HOW TO ENTER:

1. It is very simple. When you use your SaveCard at a merchant to pay for your purchase, bills or to get cash, do not throw away your EFTPOS receipt.
2. Write your name, address and contact number on the back of your EFTPOS receipt and place it in an entry box provided at your local PNGBC branch or enclose it in an envelope and post it to your nearest PNGBC branch. Selected stores will also have entry boxes.
3. Receipts should be lodged by 12 noon every Wednesday for each week's draw.
4. Each week, 20 of PNGBC's branches will draw three (3) lucky winners.
5. Each week, the names of the sixty (60) lucky winners will be published on Fridays in the daily newspapers.
6. Prizes for the competition will be automatically credited to the account shown on the winning EFTPOS receipts.
7. The competition is open for EFTPOS receipts obtained from the 5th of March up to and including the 4th April, 2001.
8. EFTPOS receipts for the Grand Draw should be lodged no later than 12pm on Wednesday 4th April, 2001.
9. Competition closes on the 4th April, 2001.
10. All PNGBC staff and their immediate families are not eligible to enter this competition.
11. The promoter's decision in relation to any aspect of the competition is final and binding on each person who enters. No correspondence will be entered into.
12. Participating merchants in Port Moresby include: Brian Bell; Plaza, Gordons, Lae, Kokopo, Madang, Goroka, Mt Hagen, Nambawan Trophy; Boroko Stop Shop; Gerehu, TST Group; Milaoro, Hohola, Weigani, Ten Trading, Chin H Meer; Boroko, Boroko Centre, Town, Gerehu, Lae, Kokopo, Duty Free Shop.
13. Participating merchants in other centres include: Mt Hagen; Bromley & Mantons Store, City Pharmacy, Sun Rise Restaurant Mesda PL, Gold Star Stores, MAF Air Port, Kabuka Trading, Mitre Hardware, Minj Banz Stores, Lae; Best Buy, Papindo, Kokopo, Tropicana Pty Ltd, Papindo Pty Ltd, Tabubil, Tabubil Superstore, Tabubil Traders, Wabult Stores, Alotau; Alotau Supermarket.



ALOTAU PO Box 260, Alotau
BOROKO PO Box 1635, Boroko
BULGULO PO Box 65, Bululo
GOROKA PO Box 94, Goroka
KAVIENG PO Box 45 Kavieng

KAINANTU PO Box 255, Kainantu
KIMBE PO Box 203, Kimbe
KOKOPO PO Box 58, Kokopo
KUNDIWARA PO Box 5, Kundliwara
LAE PO Box 104, Lae

LAE MARKET PO Box 1263, Lae Market
LORENGAU PO Box 147, Lorengau
MADANG PO Box 448, Madang
MISIMI PO Box 98, Misimi
MT HAGEN PO Box 77, Mt Hagen

PORT MORESBY PO Box 78, POM
POPONDETTA PO Box 83, Popondetta
TABUBUL PO Box 13, Tabubil
WEWAK PO Box 71, Wewak
WAGANI PO Box 169, Wagani

Ol Kilipau klen lida sainim papa bilong rejistaim graun

FELIX RAMRAM i raitim

MOA long 100 klen lida bilong ples Kilipau insait long Bewani, Sandaun provins i sainim ol pepa bilong rejistaim grup na graun bilong ol wantaim gavman. Olsem bai ol tu i go insait long ol developmen bilong Fri Tred Jon.

Ol pipel bai i larim wanpela hap graun bilong ol i go long kirapim wanpela haidro pawa stesin, we dispela haidro stesin i bai i saplaim ol lain husat bai i wok insait long Fri Tred Jon.

Ripot i tokaut olsem wanpela lain bilong Taiwan bai i kamap long Vanimo long dispela mun. Na go antap long Kilipau na glasim hamas graun dispela haidro pawa projek bai i karamapim. Pastaim, klen we dispela projek bai i stap long en i mas kauntim olgeta diwai kaikai bilong ol. Bikos ol diwai kaikai na bus bai i stap insait long wara taim ol i banisim wara na wara bai i solap.

Mausman bilong ol pipel Mathew Moga i tokaut olsem, ol pipel husat long ol i sindaun klostu long dispela haidro pawa stesin bai i kisim lait tu i

go long haus na ples bilong ol. Na dispela bai i gutpela sans long ol pipel i go het long kamapim sampela senis long sindaun bilong ol insait long ples.

Mista Moiga i tokaut olsem Kilipau i wanpela long 5-pela eria i stap long plen bilong putim dispela haidro pawa stesin. Narapela tupela em Wara May na Inbio, tasol dispela tupela i popaia na Fri Tred Jon Komiti i makim Kilipau long kisim dispela projek.

Ol samting we i mas redi em ol rot na eria, bikpela ples balus, bikpela eria bilong kisim ol traipela sip na gutpela pawa saplai. Tasol long givim pawa long man long mekim wok, em i mas gat planti kaikai.

Ol pipel bilong Kilmeri insait long Bewani distrik long Vanimo i harim dispela tok insait long wanpela miting i kamap long ples Kilipau long Mas 7. Olsem olgeta pipel i noken sindaun nating long ples na wetim fri mani, tasol ol i mas kirap na yusim han bilong ol na kirapim bek ol wok didiman long ples.

Mista Moiga i tok pipel nau i lukim pinis wanem samting i

kamap long wok timba insait long Vanimo.

Em i tok, kampani i mekim pipel i bilip olsem wok timba bai givim ol gutpela developmen na planti mani. Tasol maski dispela i stap long provins moa long 30 krismas, pipel i stap yet olsem bipo. Antap long dispela wok timba i mekim ol pipel i les long wok na ol i stap tasol na wetim pinis bilong mun long kisim royalti mani we i pinis long tumora tasol.

"Yumi olgeta i aipas na wetim tasol fri mani. Taim yumi sindaun na wetim fri mani yumi bagarap na kamap ol les man na meri antap long graun bilong mipela. Nau kampani i kam katim diwai bilong mipela na giamanin mipela long liklik mani. "Yumi mas tingim wanem samting bai kamap long tumora na i go kamap hap bilong dispela Fri Tred Jon na pulim mani i kam insait long ples na poket bilong yumi wanwan.

Mi singautim wanwan famili na tu ol famili bisnis grup long wokbung na kamapim tingting bilong bringim bek wok didiman i kam bek gen insait long ples. Ol pipel bilong Kiliwes,

Ossol, Issi, Kilipau na ol narapela insait long Kilmeri sensus divisen long go bek na wok long graun.

"Mipela i mas go bek long graun na groim planti gaden kaikai olsem kumu, banana, tomato, bin, taro, kaukau, kabis, kapaigun. Em ol dispela kain kaikai i go long ol lain i sindaun long taun. Olsem na noken wet inap Fri Tred Jon wok i stat. Ol lain bilong ples nau i mas stat long klaim bus na planim ol gaden kaikai. Bikos taim ol bisnis lain bai stat long kam insait, yu stat long pulim mani taim yu salim ol gaden kaikai bilong yu.

Mista Moiga i tok tu olsem: "Olgeta wok i save go het gut taim ol pipel i harim tok bilong ol lida bilong ol. Antap long dispela, pipel i mas wokbung long lukim gutpela kaikai. Na piksa bilong dispela harim tok na wokbung, em gutpela sindaun long ples bai kamap na nogat trabel. Bikos olgeta memba long komyniti bai i gat wok long mekim, na bikpela samting em bai olgeta i gat mani long poket wanwan de. Na dispela i gutpela piksa bilong gutpela sindaun na gutpela komyniti.

• **Rot long hailans em ol manmeri i save kuk na salim kaikai long rot. Yu husat pasindia i ron long hailans haiwe, yu ken redim mani tasol long strongim bel.**



Nu Ailan provinsel gavman katim mani long helpim oil pam groa

NU Ailan Provinsel Gavman i givim pinis K120,000 long kamapim ol nupela rot i go insait long ol eria we oil pam i gro.

Ol smolholda oil pam groa insait long Nu Ailan i no bin kisim ol frut bilong ol i go long Poliamba-Estet oil pam mill long Lakuramau bikos nogat gutpela rot i go long mill.

Ol groa em ol memba bilong Oil Pam Industri Koporesen na nau bai ol i amamas bikos provinsel gavman i lukim hevi bilong ol na katim mani.

Siaman bilong Join Provinsel Plening na Baset Praoriti Komiti, Romny Tobo i tokaut olsem dispela K120,000 i kam long provinsel baset bilong dispela yia.

Mista Tobo i tok disisen bilong gavman i bihainim wanpela stadi ol gavman opisa na ol lain long OPIC i bin bung na karimaut we i soim olsem ol liklik han rot i go insait long ol eria we ol pipel i kamapim ol liklik oil pam projek bilong ol bai kostim samting olsem K3 milien long kamapim

ol rot ya na mentenim ol.

Provinsel gavman i tokaut long helpim bilong em bihain long wanpela liklik oil pam groa i bin tokim ol manmeri husat i bin bung long Panachais viles long wes kos bilong Kavieng olsem em wantaim ol narapela fama i no kisim wanpela benefit long blok bilong ol bikos nogat rot i go long ples ol i planim oil pam.

Em i tok nogat ol han rot i go namel long ples ol i planim oil pam na faktori long Lakuramau.

Nupela maikro-fainens skim bilong Bogenvil

WANPELA nupela maikro-fainens skim bai kamap klostu long Not Solomon Provins na bikpela wok bilong dispela skim em long promotim sosel na ekonomik developmen long Bogenvil.

Skim i bihainim wanpela paillet maikro-fainens projek ol i kolim Bogenvil Haus Mani (BHM) we gavman bilong Australia insait long AusAID program i bin kamapim long 1999.

Dispela nupela skim bai kamapim long Jun olsem namba tu pat bilong BHM. Divisen ov Ekonomik Sevises i bin givim helpim long kamapim skim na nau em Divisen ov Komes na Industri aninit long edministresen bilong Bogenvil i helpim tu.

Disain dokumen bilong projek i tok skim bai stat long sampela distrik tasol bihain long sampela yia bai skim i karamapim olgeta hap bilong ailan.

Skim bai makim ol eria we ol pipel i save nogat gutpela sans long kisim ol sosel sevis o ol trangu manmeri husat i stap long ples bus tasol moa long sait bilong ol meri.

Bikpela pat bilong skim bai go long trening. Dispela em i long mekim ol pipel husat i kisim lon mani i luksave long ol samting ol bai mekim taim ol i kisim ol lon.

Ol wokman bilong BHM bai kamapim ol woksop long ol viles long toksave long dispela skim.

Ol pipel husat i tingting long kisim lon mani bai kamapim ol plen bilong ol long hau bai ol i yusim mani na hau bai ol i kamapim moa mani. Ol lain husat laik kisim mani bai tokaut stret long wanem taim bai ol i bekim lon mani.

Skim bai gat wanpela opis long ailan we wanpela indipenden menesa bai menesim wantaim wanpela man o meri bilong Divisen ov Komes long Bogenvil. Menesa bai aplai long wok na husat man o meri i laki bai kisim dispela wok.

AusAID i tok bikpela tingting bilong BHM em long promotim sosel na ekonomik developmen bilong Bogenvil. Dispela i sapotim plen bilong nesenel gavman long lukautim na kamapim ol sapot sistem bilong developmen insait long PNG na Bogenvil.

Dispela skim i gat luksave pinis olsem em i ken sapotim long hariapim rurel developmen long kirapim gen provins.

Ol meri ken kamapim senis long wok ples

ALMA MARIMYAS i raitim

BIHAINIM gutpela kamap bilong woksop bilong ol meri insait long menesmen long las yia. PNG Institut ov Menesmen i holim gen wankain woksop long mun i go pinis.

Bikpela toktok bilong dispela woksop wantaim ol narapela em long givim ol meri husat i save wok long ol bikpela wok long kisim strong long sait bilong wok bilong ol.

Em wanpela taim bilong ol meri long kam na bung wantaim na toktok long ol samting ol i nidim long ples bilong wok bilong ol.

Woksop em wanpela rot tu long soim ol meri gutpela menesmen prektis na hau ol meri i kem mekim ol wok bilong insait long wok ples bilong ol man.

I gat bilip olsem dispela kain woksop bai helpim ol meri long bihain taim ol i kamapim bisnis na kamap mama bilong bisnis na wankain taim tu olsem employa.

Dispela em i no nupela samting tasol taim meri i kamap bos, dispela i narapela stori.

Dispela woksop em long helpim ol

meri long luksave long ol kankain wok insait long sosel na long kisim taim bilong bihainim profesenel meri long jenim ol tingting na eksperiens bilong ol na luksave long wanem ol eria ol ken developmen long bihain taim.

Woksop bilong dispela yia i bin kamap long Ailanda Hotel nau ol i kolim Holide In long dispela mun.

Ol toktok bilong dispela woksop em:

- Ol rijonel salens we Aivu Tauvasa i presentim;
- Flora Carruthers i toktok long developim yu yet long kamap wanpela gutpela menesa;
- Winifred Kamit i toktok long kopret gavanens na ol meri aninit long lo;
- Jerry Wemin i toktok long kisim wok na stap longpela taim tru long dispela wok;
- Mekim disisen insait long wok ples we ol man tasol i save wok em Sition Gion i presentim; na
- Forum sesen em Bob Neil i go pas long en.

Dispela woksop tu em long helpim ol meri long save na bai ol ken bungim ol intanesenel standet insait long gutpela menesmen prektis.



Notis i go long olgeta Kopi Groas, Kopi Baiyas na Kopi Prosesas

Papua Niugini i save kisim bikpela mani tru olgeta yia taim em i salim Y-gret kopi bilong en o kopi em ol smolholda groas i kamapim.

Dispela risos em i bun tru bilong kopi indastri na olgeta komyuniti we i save groim kopi. Sapos dispela bikpela mani kopi i save kisim ino stap olgeta yia, amamas we i save kamap long ol sosaiti insait long Hailans Rijon bai ino inap stap. Olsem na i mas gat bikpela lukaut o lusave i mas stap long resis na daun-gret insait long wol maket bilong kopi. Tasol, i luk olsem i gat sampela samting i stat insait long resis insait long maket we ol i save salim Y-gret kopi.

Ol kantri olsem Tanzania na Peru i stat pinis long resis wantaim Papua Niugini wantaim wankain prodak, na em i tru olsem kantri olsem Vietnam tu i planim planti tausen hekta Arabika kopi em ol bai salim long resis wantaim Y-gret kopi bilong yumi.

Olsem na em i bikpela samting tru olsem olgeta lain mas mekim sampela samting long was gut na wok bung-wantaim na mekim kwaliti bilong Y-gret bilong yumi. Dispela bai mekim kopi bilong yumi holim yet ples bilong en egens ol narapela lain husat i kamapim kopi.

Ino planti yia i go pinis i gat dispela pasin bilong baim kopi ol i kolim "Wan Prais" baim, na tu pasin bilong baim na salim kopi ol i kolim "Miks-Kopi" we i gat ol nogut na wet kopi na ol rabis olsem kopi skin. Dispela kain pasin nogut em ol i lukim kamap bikpela long hap bilong Westen Hailans Provins. Dispela provins sampela taim igo pinis i save go pas long kwaliti na prais.

Ol kopi we i kam long fektori we i save karimaut dispela pasin i bagarapim tru dispela prodak taim ol i save kamaut bihain. Dispela em ol grin-bin we i redi long expot. Inap nau yet, dispela kopi ol i save gretim gen insait long wea-haus bilong ol expot kampani. Ol i mekim dispela long mekim em i kamap gutpela long expot. Tasol dispela em ino ansa tru bilong dispela hevi. Ol kopi fektori, kopi baiyas na groas i mas stretim ol dispela hevi.

Long dispela as tasol, olgeta lain husat i stap insait long prodaksin bilong kopi i kisim tok-lukaut olsem ol CIC Kopi Inspekta bai stap long ol bikpela grin-bin weahaus long sekim kwaliti bilong kopi we i go long fektori. Dispela bai stat long Mande, Epril 16. Ol kopi fektori i mas bihainim lo insait long laisens CIC i givim long salim o karim kopi we i go wankain olsem PNG Stendet bilong Grin Kopi - PNGS 1623 bilong 1993. Ol inspekta bai karimaut wok long lukluk i go insait long ol dispela stendet.

Ol bai rausim ok seken-klas kopi. Long ol dispela kain rot wanpela oda ol bai mekim i go long prosesim gen ol kopi, na ol papa bilong kopi bai peim. Kopi em ol i prosesim long wanpela fektori husat ino rejista, ol kopi we ol i painimaut olsem i gat mak-nogut olsem "fenolik" or "marasin" o sting bai ol i holimpas long oda bilong Kot.

Olsem na bikpela toksave i go long olgeta kopi groas, baiyas na ol prosesa husat i rejista long mekim bai olgeta grin-bin i mas bihainim stret stendet ol i makim ol beg na long deliveri doket we i go wantaim beg.

KOPI INDASTRI KOPORESIN

B. VARI

Sif Eksekutiv Ofisa



NUKU MEMBA BEKIM TOKTOK BILONG PARIS PRIS

Toktok na askim bilong Paris Pris bilong Nuku Pater Martin We-en long Nasenol Niuspepa bilong Fonde Namba 8 dei bilong Mas, 2001 imas igat bekim bilong Memba bilong Nuku, Mr Kumbakor.

"Mi nogat laik long sutim tok long narapela tasol mi laik putim long recod liklik kontribusen bilong mi long Iektoret na pipel bilong mi long Nuku long liklik taim mi stap Memba, stat long Julai 1997 inap nau.

Pastaim long mi go moa yet long toktok, mi mas tokaut long ol pipel long wok bilong ol politisen o memba bilong palamen na wok bilong pablik sevent. Wok bilong mi long wokim disisen na ol pablik sevent i mas inapim tingting bilong wok kamap bilong ol polisi na disisen we Oganik Lo long Seksen 33 i karamapim na ol lo arapela disisen Gavman (NEC) na Palamen i mekim.

Ol hevi ikamap long Nuku ino narapela na nupela, olgeta distrik long PNG ibungim wankain hevi. Mi sori olsem Memba bilong Nuku, Hon. Andrew Kumbakor ino wanpela hedmasta bilong Nuku Hai Skul o Distrik Administrata bilong Nuku o Provinsol Administrata bilong Sandaun Provins olsem na mi no inap long helpim sampela ol dispela hevi bilong administrason. Mi mas tokaut olsem nupela Sandaun Administrata, Mr Conficius Ikoirere nau yet igivim prioriti long lukluk nau long ol dispela hevi insait long Nuku na Sandaun.


Ol liklik wok na tingting bilong mi inap nau isanap olsem, nambawan tru em wok bilong ol rot, namba tu em wok didiman, bihainim em wok bilong skul, wok bilong hausik, na lo na oda. Ol arapela eria tu mi wok long mekim na ol yet bai kamap ples klia long taim bilong em yet.

Stat long 1997, bikpela tingting na wari bilong mi istap long wok bilong stretim ol rot. Rekod bilong mi isoim olsem mi spendim moa long K1.5 milien pinis. K400,000.00 ibin igo long baim ol mesin bilong distrik long helpim wok bilong rot. Mi igat wari olsem ol pipel na komuniti ino sapatim na i bagarapim ol dispela mesin; wanpela D5 bulldosa, wanpela greda, bekho, na tupela tipa trak. Long samting olsem tupela mun bihain, mi bilip olsem ol mesin ya bai stat wok gen long bikpela Nuku-Aitape rot projek we olgeta pipel bilong Nuku, Lumi na Yangkok iwet longpela taim long em. K1.7 milien bilong Rural Developmen moni bilong yia 2000 na 2001 nau igo long stretim dispela hevi we Nuku JDP&BPC (Joint District & Budget Priority Committee) ibin givim tok orait long Janueri 2001 long Vanimo.

Ol pepa wok bilong mi isoim tu olsem long pinis bilong yia 2000, K100,000.00 ibin go long ol man long wok long han long stretim 65 kilomita rot stat long Mai-Nuku-Seim Kafle na pinis long Arkosame we Nuku Hai Skul istap insait long en. Husait i asua na rot i bagarap? Wantaim nogat askim bilong rot ibagarap, olsem wanem nau long Mitsubishi trak na lenkrusa utility bilong Hai Skul? Husait i papaim nau ol samting bilong Hai Skul na ilukautim ron bilong ol samting igo insait na kamaut long skul?

Akrikalsa o wok didiman ikisim bikpela helpim olsem long ol 1HA Kit Fementri na kofi mesin. Taim mi kamap memba long 1997 inap long nau, ol recod long pepa isoim olsem K200,000.00 igo long dispela wok. Pater We-en imas lukluk gut gen long lukim pes na hanmak bilong memba stat long Nuku igo inap long Yangkok.

Wok bilong edukesen o ol skul tu ikisim helpim luksave bilong memba. Wok ikamapim ol klasrum



• Hon. Andrew Kumbakor

projek na ol skul fi. Pater We-en imas askim ol kaunsil long Nuku Paris bilong em long save sapos dispela i tru o ino tru. Ol skul ibin kisim helpim em long recod bilong mi:-

• Nuku Admin Skul	- K10,000.00
• Wati Komuniti Skul	- K10,000.00
• Wilwil Komuniti Skul	- K20,000.00
• Angukunak Komuniti Skul	- K20,000.00
• Seim Komuniti Skul	- K20,000.00
• Nuku Anglo Komuniti Skul	- K20,000.00
• Usitamu Komuniti Skul	- K10,000.00

Sampela arapela skul tu ikisim liklik helpim. Moa long K200,000.00 igo pinis long dispela wok na mi makim pinis K150,000.00 bilong 2001 baset long dispela wok yet. Nuku JDP na BPC bai sindaun long dispela mun long tok klia wanem skul bai kisim helpim na hamas bai wanwan skul ikisim.

Long skul fi program, dispela em inamba tri yia bilong mi. Stat long 1999 inap nau mi putim mak moni olsem K250,000.00 pinis na planti moa askim iwok long kam yet. Mi helpim ol mangi long hai skul, kolis na tu long ol yunivesiti. Ol lain ibin kisim dispela helpim bai ol yet iken tokaut. Nuku Hai Skul ikisim moa long K100,000.00. Mi helpim tu P.E.B. (Provinsol Edukesen Bod) long Sandaun wantaim K83,100.00 long helpim na salim ol tisa igo long ol skul long Sandaun. Ol sumatin bilong Nuku long ol arapela hai skul long Sandaun tu ikisim wankain helpim.

Long wok bilong Helt Sevis na Hausik, ilektoret ikisim pinis foapela ambulens, tupela ikam long ADB (Asian Developmen Benk) na tupela ikam long Nesenol Geming Bod, long nem bilong mi. Ol tenk bilong kisim wara we mak moni bilong ol K80,000.00 istap nau long Wewak na Nuku. Mi oraitim tu K150,000.00 long wok bilong hausik long 2001 baset.

Lo na Oda i kisim helpim inap long mak bilong K100,000.00 long kamapim na lukautim 55 manmeri oxileri polis yunit long Nuku. Ol bikman bilong polis hedkota long Bomana ibin trenim na ol oxileri polis ibin pasaut long April 1998. Long olgeta yia K40,000.00 igo long baim alawens bilong ol 55 manmeri long mekim wok gut. Mi bilip bai Pater i amamas long dispela wok.

Nuku Pawa Haus ikisim nupela jenereta we mak moni bilong em i K30,000.00. Kirapim wok bilong distrik treseri K60,000.00. Stat long 1997 R.A.P (Rural Aksen Plen) moni bilong mi igo long stretim na lukautim Nuku stesin. Olgeta LLG long Iektoret igat wanwan Toyota Lenkrusa mi bin baim long 1997. Husait long Nuku Iektoret or Sandaun ibin mekim dispela kain wok olsem bipo?

Ol yut grup, wimens grup na ol sios grup to ibin kisim helpim long mi long sampela rot. Pater We-en imas askim ol dispela lain na em iken save gut long hamas helpim bilong mi:-

• askim Pater Gianni or Nuku Katolik Yut husait ibin helpim ol long Janueri 2000 long Yut Woksop bilong ol long Aitape?

• askim ol lain CBS sios long Nuku, husait ibin helpim ol long CBC Konvensen long Sibilanga long Disemba 1999?

• askim ol Foa Square sios meri long Nuku, husait ibin helpim ol long go long Rabaul konvensen long yia 1999?

• Askim ol AOG sios meri bilong Nuku, husait ihelpim ol long go long Lae konvensen long yia 1999?

Mi bin helpim tu ol sampela moa lain. Mi no strongpela Kristen man tasol olsem memba bilong Nuku, mi traime long helpim olgeta manmeri bilong Nuku long kainkain bilip na sindaun long developmen long wok bilong bodi, tingting na spirit.

Sapos tingting bilong mi i klia na stret, mi bilip mi bin helpim tupela yangpela Brada o Diken bilong Nuku long kisim odinesen bilong tupela olsem Pater long Bomana long 1999 (long namba nain de bilong Mun Septemba), mi olsem Memba bilong Nuku i givim wanpela PNGBC Sek namba 58424 long mak moni olsem K3,380.00 long Martin We-en bilong Mukili na K4,000.00 long Hugh Kuam bilong Namblo. Mi inogat dinau long dispela tupela yangpela hia. Tupela ino bin votim mi long 1997 ileksen tasol wok bilong kamapim spiritual developmen tu long ilektoret ikisim prioriti tu.

Em ino stretpela pasin long Pater Martin We-en long kisim helpim pinis long Memba na tainim gen long politik egensim Memba bilong Nuku nau. Wok bilong Pater em long tok tenk yu long Memba na helpim wok bilong spiritual developmen long ilektoret na helpim lida tu long prea long gutpela stretpela tingting na wok kamap long ilektoret, provins na kantri.

Mi olsem Memba bilong Nuku ino inap sindaun na larim ol kain tok politik bilong Pater Martin We-en inogat as long kam nating long mi. Mi mas bekim long tok klia long mi yet. Planti ol Pater nau i memba tu long palamen, sapos Pater We-en igat politik tingting orait resis wantaim mi long yia 2002 nesenele ileksen.

Long pinisim ol tok bilong mi, mi laik toksave long yu Pater We-en olsem Paris bilong yu ibin askim opis bilong mi long helpim long wanpela wokabaut igo long Rabaul long lukim matmat bilong Santu Pita ToRot. Kain ol giaman toktok bilong yu Pater tasol bai ino inap igat gutpela luksave.

Mi bilip olsem tok mi mekim pinis ibekim olgeta foapela askim bilong yu, sapos you laik sekim ol recod bilong mi, wokabaut tasol igo antap long distrik treseri opis long Nuku distrik wei ino long wei long haus bilong yu. Tenk yu".

Hon. Andrew Kumbakor, BSc. Ag. MP
Minista na Memba bilong Nuku Open Iektoret

Bill Skate i wok long go orait

• Olpela Praim Minista na nau lida bilong Oposisen Bill Skate i bungim bikipela sik tru na i stap long haus sik. Long las wik Fonde bikipela tok win i kamap olsem Bill Skate i dai tasol samting tru em Mista Skate i stap laip yet tasol sik bilong em i bin go bikipela. Tasol inap dispela wik, ol haus sik lain i tokaut olsem sik bilong Mista Skate i wok long go daun na em i kirap sindaun kaikai na toktok wantaim ol famili na ol lain bilong em. Ol haus sik lain i tok Mista Skate bai i stap long ICU (Intensiv Kea Yunit) yet inap sik bilong em i go orait na em i kamap orait.

• Ol ami long Mosbi i bin brukim bikipela haus banis we ol i save putim ol sotgan na ol samting bilong pait insait long en long Tupela wik i go pinis. Dispela banis em ol i kolim amori we olgeta samting ol ami i save yusim long pait i save stap long en.

Ol ripot i kamap i tok ol ami i mekim dispela bikos ol i belhat long pasin Nesenel Gavman i laik mekim long daunim wok na operesen bilong ami i kam daun we inap lukim planti tausen ami bai lusim wok bilong ol. Dispela plen bilong daunim sais bilong ol ami wantaim wok na operesen bilong ol i bihainim wanpela ripot o wok painimaut we sampela savelain i kamapim long Gavman i lukim na mekim. Bihain tasol long

dispela hevi we ol ami i kamapim, ol bosman bilong ami wantaim Minista bilong Difens Fos Kilroy Genia i bung na askim ami husat i brukim amori na kisim ol samting bilong pait long bringim bek olgeta samting ya insait long tupela de. Dispela singaut i bin kamap long las wik Fonde. Long Sande Praim Minista Sir Mekere Morauta i tokaut olsem Gavman bai ino inap karimaut dispela plen bilong daunim namba na wok bilong PNG Difens Fos. Praim Minista i tok tu olsem nogat wanpela soldia bai kisim sas long dispela pasin ol i mekim. Tasol ol ami i tok ol ino inap bringim bek ol dispela samting bilong pait inap toktok bilong Praim Minista i kamap long pepa na i no long maus tasol. Na tu ol i laikim sampela toktok ol i bin putim long petisen i mas kamap tru pastaim. Long Mande dispela wik, NEC i tok orait long rausim sas long olgeta ami husat i bin kisim ol dispela sotgan. Long Mande tu, ol soldia i bringim bek olgeta 32 ol sotgan na ol samting bilong pait we ol i bin kisim long banis.

• Oposisen lida Bill Skate i bungim narapela hevi gen we plis fraud skwat i kamapim wanpela sas egensim em na em i bin kamap long Boroko plis stesin long tupela wik i go pinis na baim beil long K1,000. Plis i sasim em long

mani i paul long 1996 taim em i bin Nesenel Kapitel Distrik Gavana. Mani mak olsem K250,000 ol plis i ting i paul long wok bilong Mista Skate olsem Gavana long dispela taim na ol i sasim em. Ripot i tok dispela mani i bin go long wanpela kontrakta kampani bilong stretim ol rot long Renbo na Gerehu long dispela taim. Mista Skate i tokaut bihain long em i kam aut long Boroko plis sel olsem em i save olsem dispela Gavman tude i wok long painim kainkain rot long bagarapim na daunim em. Taim ol i pinis wantaim wanpela sas, ol bai wok hat tru long painim narapela sas long kotim em gen. Na ol bai traिम long mekim olsem olsem i go inap long ol i traिम daunim em long 2002 nesenel ileksen, Mista Skate i tokaut. Loya bilong em Alois Jerewai i no amamas tru long dispela sas bikos i nogat ol pepa i soim klia dispela sas na em i kirap nogut long lukim dispela. Em i tok em bai i stap olsem wanpela kirap nogut man longpela taim tru long lukim kain pasin olsem i kamap we i nogat evidens o rekot long mekim klia dispela sas bilong ol plis.

• Bikipela' bung bilong ol Momase Gavana i bin kamap long las wik long Wewak long Kaindi Tisa Koles. Dispela bung bai i lukluk long planti bikipela wok insait long

LOGO

Momase rijon olsem ol bikipela developmen we bai i kamap o ol bikipela wok developmen na sevis we i kamap pinis tasol i nogat mani long mekim wok i go het yet. Wanpela bikipela toktok ol i kamapim em long mani bilong takis insait long provins em ol Provinsal Gavman i mas kisim bikipela ol pasin na bihain salim bilong Nesenel Gavman i go. Dispela em bikos taim Nesenel Gavman i save kisim dispela takis mani pastaim, ol i no save skelim i go hariap long ol provins. Narapela tu em ol i save salim hap hap.

• Nesenel Alaiens (NA) pati bilong Sir Michael Somare i opim opis o brens bilong pati long Wewak long dispela mun na long las wik tasol ol igo opim narapela gen long Rabaul, Is Nu Briten provins. Na nau ol i lukluk long opim wanpela brens long Hagen taun, Westen Hailans provins. Dispela em ol wok bilong redim Nesenel Alaiens long bikipela ileksen bilong 2002 insait long Papua Niugini. Nesenel Alaiens i tokaut olsem em bai go aut na pait strong tru long 2002 ileksen na em bai givim bikipela salens tru long bikipela pati olsem Pipels Demokretik Muvmen (PDM).

WANTOK

NIUSPEPA BILONG YUMI OL PAPUA NIUGINI STRET

Piksa nogut bilong ol Morobe lida

PASIN we ol lida long Morobe provins i mekim long Tunde dispela wik i soim tru pasin bilong pait na hangre tru long pawa. Dispela em i pawa bilong kisim biknem, gutpela haus na ka na potnait pe na gutpela sindaun bilong famili.


Bilong wanem as tru na sampela lain i go pasim geit bilong ol wokmanmeri i go insait long Morobe Provinsal Gavman opis long mekim wok bilong ol?. Na bilong wanem as na sampela lain kaunsil presiden i lok long wanpela haus tasol long Fraide i go inap long Tunde na ol ino go lukim famili bilong ol long haus na long ples?.

Lida i nogat rait long pasim dua long ol arapela lida i laik go mekim wok bilong ol pipel bilong ol long opis. Na tu ol lida i mas fri long raun na wokabout na noken lokim ol olsem ol kalabusman. Ol lida yet i mas yusim save na tingting bilong ol long wanem disisen ol i laik mekim long pipel bilong ol na wanpela man i noken kontrolim dispela fridom bilong ol.

Lo bilong Intagriti ov Politikel Pati na Kendidet i kamap pinis na i moa gutpela long Ombudsmen Komisin i sekim dispela pasin i bin kamap long Lae long dispela wik. Nogut sampela lida i stap kalabus we i no laik bilong ol. Ating Ombudsmen Komisin i mas sekim tu sapos eksen bilong sampela lida long dispela taim i brukim lidasip kod o lo i banisim ol lida.

Sapos Gavana Luther Wenge i bin gat pistol, olgeta lain husat i toktok egensim em bai pret long laip bilong ol bikos wanpela man o meri inap dai sapos kros na pait i kirap na wanpela man o meri i tasim Mista Wenge long Tunde dispela wik.


Bikipela samting em olgeta pipel bilong Morobe long olgeta distrik ino stap wantaim yupela long dispela kros pait bilong yupela long politiks. Em ol liklik lain tasol long Lae siti husat i sindaun nating long ol blok na setelmen na wetim sans bilong kisim wok o projek mani taim lida bilong ol i kisim pawa. Ol pipel long ol distrik i wetim tasol gutpela haus sik, skul, wara saplai, rot bilong kam salim kaikai long Lae maket, daunim prais, bilong ol samting long stua, daunim prais bilong petrol na disel, givim ol wok kontrak long yut grup na mama Geamsao na planti arapela moa. Ol i no wari long politiks bilong yu. Olsem na olgeta pipel i lukim nau olsem taim bilong pait long kisim pawa, bai ol i pulim pulim ol kaunsil bilong ol pipel long givim sapot na vot long ol i winim pawa. Tasol long givim sevis na developmen long ol pipel bai i nogat tru.



Stretim toktok long hevi...

• Ekting Komanda bilong PNG Difens Fos Carl Malpo (Iephan) wantaim Praim Minista Sir Mekere Morauta i sindaun na toktok long ol ami long hevi bilong ol long las wik. Hevi bilong ol ami i orait nau bikos NEC i no inap sasim wanpela soldia na tu Praim Minista i kisim pinis petisen bilong ol soldia.

Yangpela modol bilong Australian i feveret bilong ol man Itali



• Megan Gale i nogat bikpela nem long asples bilong em Australi tasol long Itali, ol manmeri i laikim em tumas na em i kamap olsem wanpela top modol long hap.

Dispela telipon etvetismen long kava bilong wanpela megesin bilong Itali i bin mekim Gale i top feveret modol bilong ol man na tu ol meri long Itali.

Soka pilaiia kamap long kot long stap insait long stil pasin

BIKNEM o husat, lo bai painim yu sapos yu wokim asua.


Tripela yia i go pinis long belotaim, Boutsianis i bin draivim ronawe stil ka we ol stil man i bin ronawe wantaim AU\$50,000 long beng. Dsipela i bagarapim sans bilong em long pilai soka long

Belgium na Yurop.

Bai em i gat sans nau o long stap insait long lista bilong Australia long Wol Soka klab resis? Moa yet taim em i kamap long ai bilong kot las wik na neks wik gen.

Nau em i save pilai soka wantaim Saut Melbon klab.

Amerika na Singapo strongim wokbung



• Supa keria USS Kitty Hawk i pas long Singapo nevi bris na tupela US soldia i kisim poto long en. *Piksa i kam long Weekend Australian niuspepa.*

Amerika na Singapo i strongim nevi wok patna long namba wan taim insait long 10-pela yia na bihainim dispela, USS Kitty Hawk em nevi bot bilong Amerika i kam pas long bris.



• Con Boutsianis em wanpela gutpela soka pilai bilong Australia tasol em i wokim wanem ausait long kothaus las wik? *Piksa i kam long Weekend Australian.*

Australia i gat hait sosel hevi wantaim 160,000 lus pikinini

AUSTRALIA i gat sosel hevi we em i no luksave long en, wanpela ripot i tok. Ol dispela pikinini we i karamapim ol bebi i go long ol dispela we i wok long groap i go long ol yangpela manmeri i stap nabaut long kantri wantaim ol famili i kisim ol long lukautim ol, stap wantaim ol hauslain, stap olsem ol refuji, stap long ol motel rum na nabaut tu long ol strit.

Ripot i tok mak bilong ol lain iwe inap long lukautim ol dispela kain pikinini i wok long go daun.

Ripot i tok mak bilong ol pikinini i stap long hevi na ol i nogat gutpela ples long stap long en i stap long 16,000. Long yia bipo, mak i bin stap long 12,000.

Tripela samting i mekim hevi i go antap olsem na dispela em long, Mak long ol pikinini i nogat gutpela lukaut bilong famili i go bikpela bihain long 30 krismas hevi ya i bin stap daunbilolo, sot long ol lain i laik lukautim ol pikinini na kamap olsem ol fosta papamama na ol pikinini i kamap anit long sistem i bungim bikpela hevi pinis long ol i kisim bikpela bagarap pinis na nogat lain i laik lukautim ol. Na i hat long ol fosta famili long lukautim ol.

Ripot i tok planti long ol pikinini ya tu em ol papamama i save kisim ol spakbrus na sampela (papamama) i dai pinis. Na hevi bilong ol i go nogut moa yet.



• Foapela skul meri long Kincoppal Hai skul long Australia em Natalie Beirne, Olivia Warren i rait long pepa taim Elizabeth Coffman na Mirma Hunter i wok long liklik laptop kompyuta. *Piksa i kam long Weekend Australian niuspepa.*

Kompyuta wok i no pulim tingting bilong planti yangpela Australia

Wanpela sevei we Malti Midia long Victoria i karimaut i tok planti yangpela bilong tude i tok wok long Infomesen Teknoloji em i skin dai na ol i les long kisim, maski pe i gutpela.

Gaman bilong Victoria i longsim wanpela progrem long TV, redio na niuspepa

edvetismen long senisim tingting bilong ol yangpela na ol i ken go insait long ol IT wok.


Mausman bilong Malti Midia Brad Davies i tok kain wok we i gat sans long go long ovasis na i gat sans long go aut na bungim ol arapela bai pulim moa pipel long

en winim ol wok we i gat bikpela pe long en.

Long sevei, ol i painimaut olsem planti sumatin i tok wok long IT em i hatpela tumas na ol arapela i tok wok long kompyuta bai mekim yu sindaun long desk na bai yu nogat taim wantaim ol poroman o ol narapela wanwok.



• Tupela liklik pikinini meri i tupela long moa long 160,000 pikinini long Australia we ol tru papamama i no inap long lukautim ol na ol i stap nabaut long ol lukaut han. Janine na man bilong em John i kisim tupela ya na lukautim ol. Nau tupela i amamas i stap. Long hansut em pikinini tru bilong tupela. *Piksa i kam long Weekend Australian niuspepa.*



WANTOK

ASKIM

1. Hamas yia nau yu save ritim Wantok?

- 1 yia 3 yia Moa long 5 yia

2. Em isi o hatwok long painim na baim Wantok?

Isi bikos
Hatwok bikos

3. Yu ting wanem long pe bilong Wantok?

Dia tumas
I orait

4. Yu save baim Wantok long wanem hap?

- Stua
 Strit
 Maket
 Narapela man baim na mi ritim

5. Taim yu ritim Wantok pinis, hama moa manmeri save ritim?

Namba

6. Yu save baim Wantok long wanem de?

- Fonde
 Fraide
 Sarere
 Sande
 Mande

7. Taim yu baim Wantok, yu save ritim wanem stori pastaim?

Bekim

8. Yu amamas long ritim wanem ol stori long Wantok? Makim 5-pela tasol.

- | | |
|--|--|
| <input type="checkbox"/> Pes 1 Nius | <input type="checkbox"/> Plis Ripot |
| <input type="checkbox"/> Bogenvil Nius | <input type="checkbox"/> Biabia |
| <input type="checkbox"/> Tu Minit Tingting | <input type="checkbox"/> Provins Nius |
| <input type="checkbox"/> Sios Nius | <input type="checkbox"/> Wol Nius |
| <input type="checkbox"/> Laipstail | <input type="checkbox"/> Kanage |
| <input type="checkbox"/> Musik Stori | <input type="checkbox"/> Top 20 |
| <input type="checkbox"/> Penpren | <input type="checkbox"/> Stori Tumbuna |
| <input type="checkbox"/> Ol Pas | <input type="checkbox"/> Laiplain |
| <input type="checkbox"/> Tambu Toro | <input type="checkbox"/> Spot Poto |
| <input type="checkbox"/> Spot Dro | <input type="checkbox"/> Spot Nius |

9. Putim nem bilong tripela stori yu save les long ritim?

- a)
b)
c)

10. Yu laik lukim wanem kain ol resis long Wantok?

- Kaunim mani yes nogat
Painim Bal yes nogat
Kanage/Mutrus yes nogat
Makim pes yes nogat

Ol narapela resis

11. Yu save go insait long ol arapela resis olsem bilong Maggie Noodles, Coca Cola, Milo na Trukai o nogat?

- Yes Nogat

12. Yu laik lukim ol kain resis olsem long Wantok?

- Yes Nogat

13. Yu save laikim ol Wantok Spesel Saplimen tu o nogat?

- Yes No

14. Yu laik lukim wanem kain ol edvetismen o toksave long Wantok?

- Ol kaikai, sop, marasin
 Ol nupela ka, bot, masin
 Spesel bilong hadwea stua masin
 Betde gritings na painim wantok timba bilong wokim haus
 Ol tenk wara, kapa, nil
 Painim wok
 Ol nupela prodak
 Masin bilong katim diwai
 Toksave bilong gayman
 Ol spesel bilong bakstua
 Ol spesel bilong supamakot
 Ol seken hen ka, klos, masin

15. Yu bin baim sampela samting long ol edvetismen yu lukim long Wantok?

- Yes Nogat

Yu baim wanem samting:

16. Yu laik lukim wanem ol arapela nupela samting long Wantok?

Bekim:

17. Yu laik lukim moa poto o stori o edvetismen long Wantok?

- Moa poto Moa stori Moa edvetismen

18. Yu laikim mipela prinim Wantok hama de long wik?

- Olgeta de Tupela de Wanpela de tasol

19. Yu ting wanem long Tok Pisin bilong Wantok?

- I orait I kranki liklik

20. Yu save yusim Wantok long skul bilong rit na rait?

- Yes Nogat

Sapos yes, tokaut:

21. Yu save kisim nius olsem wanem?

- Long Wantok
 Long ol Inglis niuspepa
 Long redio
 Long televisen
 Long komputa

22. Yu save baim ol dispela niuspepa tu o nogat?

- The Independent
 Post Courier
 The National
 Southern Post
 New Guinea Island Post
 Highlands Post
 Mamose Post
 Ol ovasis pepa

23. Yu save harim redio o nogat?

- Yes Nogat

24. Yu save harim wanem redio stesin?

- Provinsal redio stesin Karai
 FM 100 Yumi FM
 Nau FM FM Central
 FM Morobe

25. Yu save lukim TV o nogat?

- Yes Nogat

26. TV bilong yu inap long kisim wanem ol stesin?

- EM TV ABC
 7 Central HBO

- SBS CNN
 Discovery Video Channel
 FM Central ESPN
 BBC AUSTV
 DW NHK Indonesian Channel

27. Yu save yusim komputa o nogat?

- Yes Nogat

28. Yu save yusim komputa long haus o long opis?

- Haus Opis Tupela wantaim

29. Yu laik ritim Wantok long komputa bilong yu?

- Yes Nogat

30. Yu wokman o wokmeri?

- Yes Nogat

31. Yu mekim wanem kain wok nau?

Bekim

32. Yu pinisim skul long wanem gret?

Bekim

33. Krismas bilong yu

34. Yu man o meri?

- Man Meri

35. Yu gat ka o nogat?

- Yes Nogat

36. Yu stap long ples o long taun?

- Ples Taun

37. Long 12-pela mun i go pinis, yu baim ol dispela samting? Makim tasol long bokis.

- Ka Sia na tebol Komputa
 Televisen Samting bilong sanapim haus
 Haus Vidio Tenk wara
 Ol samting bilong haus kuk Aut bod moto
 Sen so Redio

38. Yu plien long baim ol dispela samting long dispela yia? Makim tasol long bokis.

- Ka Sia na tebol
 Televisen Komyuta
 Haus Samting bilong sanapim haus
 Haus kuk samting Vidio
 Ol tenk wara Aut bod moto
 Jen so Vidio

39. Yu stap long ples o taun?

- Ples Taun

40. Nem bilong yu (sapos yu laik):

41. Pos opis dres bilong yu:

Telipon namba
Fax namba
Komyuta adres

Postim long dispela adres: Wantok Askim
PO Box 1982, BOROKO, National Capital District

Yu ken salim bekim bilong yu i ken yu long fax namba:
(675) 3252500 o long komyuta adres: word@global.net.pg

LAMPSTAIL

Jerry groim daka long Goroka

SAPE METTA | raitim

LONG ol yia i go pinis insait long ol provins bilong Hailans rijon, kol i save bagarapim ples taim ol lain manmeri bilong Hailans i save raun i go daun long ol kostel senta olsem Lae na Madang, planti long ol i save kisim ol kokonas na buai i gat kru long en long karim i kam antap na planim long Hailans.

Tasol planti long ol dispela samting i save drai ap na i dai long wanem ples em i kol tumas long ol kain samting bai i ken groa.

Nau yet insait long las 10-pela krismas sampela senis i kamap pinis insait long Hailans rijon stat long Yonki na i go antap olgeta long Sauten Hailans.

Ating i luk olsem taim na klaimet i wok long senis. Mekim olsem na planti samting we ol lain long kostel eria i save groim i wok long kamap na karim kaikai nau long arapela samting moa. Ol dispela samting we ol lain long kostel eria i save groim i wok long kamap na karim kaikai nau long Hailans.

Ol samting ya em kokonas, bai, wel pam, pam tri na ol arapela samting moa. Ol dispela samting save kamap gut na karim planti kaikai long ol hatpela eria long kostel sait.

Tasol long nau yet wankain ol samting tu i wok long kamap gut long ol kol ples insait long Hailans rijon. Na long Goroka bik taun bilong Isten Hailans, sampela long ol dispela samting we i save groa long kostel i wok long kamap gut na karim pinis planti kaikai.

Em kokonas, buai, wel pam na pam tri. Tasol narapela samting tu we i wok long kamap gut na karim planti pikinini bilong en em daka.

Na Jarry Uba bilong Terokave viles long Kainantu insait long Isten Hailans i ken stori na tok aut klia long hau daka i wok long kamap gut na karim planti pikinini Jarry i bin lusim ples bilong en long Kainantu na i kam antap long Goroka taun we em i kisim wanpela hap blok long Genoka setelmen na sindaun long hap inap moa long 14 krismas.

Genoka em i wanpela bikpela setelmen we i stap arere tasol long Goroka taun na i gat moa long



• Jarry Uba na ol daka bilong en. Foto: SAPE METTA.

7,000 manmeri na pikinini husat i kam long ol arapela Hailans provins na ol arapela provins insait long PNG i kam bung na sindaun long hap.

Jerry i save ronim wanpela tred stua na tu em i wanpela hendimen Chandiman? Kapenta we em i save bildim ol kainkain fenitsa olsem tebol, sia, kabot, selp, kofin boks na tu ol snuka tebol.

Em i tokim wantok olsem sapos ol kain samting olsem buai, kokonas na daka i groa na kamap gut nau long ol kol ples insait long Hailans rijon, em i soim sampela gutpela sain na tu em i kamapim gutpela rot na sans bilong ol lain pipel bilong Hailans long bringim planti long ol dispela samting bilong ol kostel eria i kam antap na stat long planim insait long wanwan eria bilong ol.

Em i tok "sapos kain rot na sans i kamap, yumi ol lain bilong Hailans i mas luksave na kisim dispela sans na mekim wok long kamapim ol dispela samting we yumi i save resis long kisim na lusim planti meri long baim taim yumi i save i go daun long Makam Veli, Lae, Ramu na Madang.

Jerry i tok i luk olsem em i taim nau bilong ol man na meri bilong Hailans long groim ol kokonas, buai na daka bilong ol yet long wanem nau em i rait taim stret long groim ol kain samting.

"Nogut long dispela sans i popaia na abrusim yumi."

Em i tok "tingim na lukim mi olsem gutpela piksa na eksampel. Long 1992 mi i bin i go daun long Lae na kisim sip na raun i go olsem long Bukawa viles.

Long hap mi i bin kotim sampela rop daka na kisim i kam antap long Goroka. Mi mekim olsem long wanem taim mi lukim ol daka i karim planti pikinini long Bukawa, bel bilong mi i kirap stret. Olsem na long dispela as mi katim sampela rop daka long Bukawa na karim i kam antap long Goroka."

Jerry i tok insait long dispela sem yia, em i no wastim taim. em i go het na planim dispela ol rop daka long tripela hap eria baksait long haus bilong en long Genoka setelmen. Na bihain long sampela mun em i lukim ol daka ya i kamapim ol nupela kru na i stat long gro. bihain long wanpela yia ol daka ya i kamapim planti lif na karim planti liklik pikinini daka.

Jerry i tok taim em i lukim ol daka ya i wok long kamap gut, em i kalap nogut tru na long sem taim em i amamas stret long wanem em i ting olsem ol daka ya bai i no inap gro na karim pikinini. Tasol ol i gro na karim pikinini olsem na long dispela as em i amamas nogut tru.

Em i tok insait long las 6-pela yia em i rausim pinis ol pikinini bilong daka we em yet i kaikaim sampela na i salim tu long ol arapela manmeri. Na insait long wanwan yia em i save rausim ol daka namel long mun Mas na Oktoba.

Jerry i tok, "taim mi planti dispela ol daka na luksave long risal o gutpela kaikai bilong en, mi kisim daka i gat bikpela maket long haus bilong mi long Genoka setelmen, long wanem mi lukim olsem daka i gat bikpela maket bilong en long Goroka na Isten Hailans na ol arapela Hailans provins tu."

Em i tok strong tru i go long ol lain manmeri bilong Hailans long traim planim na growim daka bilong ol yet nau na kamapim pasin bilong selp-relaisens (selp relaisense) na maski long i go daun long Makam, Lae, Ramu na Madang na tromoi planti mani long hap.

Em i laikim olsem sapos ol lain bilong Hailans i mekim olsem, ol i no inap long i go i kam na tromoi mani long ol arapela provins. Ol bai i ken groim na kamapim ol buai, daka na kokonas bilong ol na ol yet i ken tromoi mani i go i kam na baim ol samting bilong ol yet. Na mani ol i yusim olsem bai i no inap long i go aut long provins bilong ol.

Jerry i tok "inap, em inap na nau." Planti krismas yumi ol lain Hailans i givim pinis planti mani long ol lain bilong Makam, Lae, Ramu na Madang. Nau em i taim bilong yumi yet long wok hat na kamapim ol buai, daka na kokonas bilong yumi yet. Taim em i senis na sans em i kamap pinis. Mi traim na mi lukim pinis gutpela risal! "Na yu?"

Pamuk pasin i bagarapim famili na kantri

KIWURAM KANAKO i raitim

BEKI em wanpela gutpela marit meri (i no tru nem). Em wantaim man bilong em i bin marit long kastom pasin na tu insait long sios o kristen marit.

Tupela i gat tupela pikinini tasol na man bilong Beki em wok long wanpela opis bilong Gavman. Nem bilong em Freddie (i no nem tru).

Beki i bin marit pastaim long wanpela man aspies bilong em yet. Tasol man ya i lusim em na i go long narapela hap. Beki i go bek long ples bilong em na stap lukautim ol liklik brata susa bilong em yet.

Orait Freddie i bin kam long Madang na wok olsem wanpela masta mak. Gavman i salim em i go long makim graun long ol piantesen long hap bilong Bogia.

Long dispela taim Freddie i bin bungim Beki. Em tokim Beki olsem em laik maritim em. Tasol Beki i no laik bikos em bin lukim retpela kala pinis taim namba wan man bilong em i lusim em. Nogat, Freddie i tok tok strong tru olsem em laik maritim Beki na em go tokim lapun papa bilong Beki olsem em bai maritim meri ya na kisim em i go long ples bilong em long Ailan Bogenvil.

Long Oktoba 1988, Freddie na Beki i go long Bogenvil. Tupela kirap orait tasol long Arawa inap ol asua long ailan i kamap na tupela i ronawe i go hait insait long bikbus. Laip long Bogenvil long taim bilong pait i bin hat tru tasol Freddie na Beki i bin stap orait tasol.

Beki i no wari taim ol aspies Bogenvil i save tok "retskin" long em. Beki i lainim gut tokples Bogenvil na olgeta pasin kastom bilong ol.

Long Septemba 1994, i bin gat tokorait namel long PNG, ol BRA paitman na resistens na Freddie na Beki i kam ausait long bikbus we ol bin go hait long en. Tupela i kam sindaun long wanpela ples klostu long Arawa wantaim ol lain bilong Freddie.

Tupela i lusim Bogenvil long Jun 14, 1995 na i kam long Madang. Na long dispela taim inap long 1997 laip i orait na tupela marit i stap isi na amamas.

Tasol long 1996, Freddie i wok long stat long pauf nabaut. Beki i no bin save olsem Freddie i stat long go pauf nabaut. Planti taim bai Freddie kam bek long haus long nait. Na em save kirap long bik moning tru na go long wok maski taim bilong wok em 8 kilok.

Beki i no save olsem Freddie i save paul raun wantaim wanpela wokmeri long opis. Em save mekim dispela pasin na em i no save kam long haus long apinun.

Beki i stat long wari olsem ol pasin na sindaun bilong em na Freddie bai bagarap bikos Freddie i stap kalabus man bilong pasin pamuk.

Taim Beki i stat long mekim wok painimaut nau, em i luksave olsem Freddie i save paul raun na mekim pasin pamuk wantaim dispela wok meri husat i wok long opis we Freddie i wok tu long en.

Ol wanwok bilong Freddie tu i luksave long dispela pren pasin namel long Freddie na meri ya. Ol planti lain poro bilong Beki i toksave olsem ol save lukim Freddie i kam lusim meri ya long apinun na kisim em long moning. Ol tu save lukim tupela i go kaikai wantaim long belo.

Freddie i aipas olsem em wantaim Beki marit insait long pasin kastom bilong Ailan Bogenvil na tu insait long kristen marit.

Beki inap long ronawe long-taim yet tasol em i meri tru na karim pen wantaim olgeta lain long Bogenvil. Freddie tu i lusim tingting long promis em bin givim long papa bilong Beki taim em i strong long maritim Beki. Freddie i tokim papa bilong Beki olsem maski Beki i gat pikinini long nambawan man pinis, em bai kisim Beki na pikinini na lukautim tupela.

Olgeta dispela samting em Freddie i lus tingting bihain long pasin pamuk i kalabusim em.

Freddie na Beki i bin kros na pait. Na klostu Freddie i katim Beki wantaim bus naip. Freddie i laik haitim sem bilong em bikos Beki na planti manmeri i save pinis olsem em i stap insait long pasin pamuk.

Beki i pasim tingting olsem em mas bringim ol dispela asua i go long kot. Em i kotim Freddie na meri ya long mekim pasin pamuk. Bihain kot i sasim Freddie na wokmeri ya olsem pasin pamuk i bin kamap namel long tupela na ol i mas baim Beki long K1000.

Kot tu i givim oda olsem Freddie i mas stap longwe long meri ya. Tasol tupela i brukim lo na go stap wantaim yet. Freddie i giamanik kot olsem Beki i no meri tru bilong em maski em yet i save olsem Beki em meri tru bilong em.

Beki i wok long go kam long kot yet. Ol lain bilong Freddie long Bogenvil i gat kros long em long pasin pamuk em mekim. Beki i stap aninit long "mentenens" mani bilong lukautim em yet na pikinini man bilong em na Freddie.

Beki em wanpela meri husat i karim pen taim Freddie i bagarapim sindaun bilong em. Ol planti famili i bagarap bikos papamama i stap insait long pasin pamuk, pikinini man o meri tu i mekim pasin pamuk. Yumi i gat pawa long tok, "nogat long pasin pamuk."

LAI PSTAIL

Yu redi long dai bilong yu?

PEKU PILIMBO i raitim

"Mi bai stap i go na taim mi save olsem mi laik lotu stret bai mi go tanim bel na stap wanpela gutpela kristen.

"Planti manmeri i save go pulumapim haus lotu nating na i no tru bilip long wanpela samting," Miriam i tok.

"Hau bai yu save dispela taim em rait long kamap kristen hariap?" Gibby i askim em.

"Miriam, yu inap painim wanpela birua nau tasol na yu lusim laip bilong yu. Abrus nau tasol yu traim brukim rot na ka i ken kam krungutim yu na yu dai.

"Sapos yu dai olsem bai inap i yu kirap tokim dai olsem "yu wet liklik na mi go lotu na bilip pastaim?", em bai hat tru long yu tok olsem. Yu mas stat nau na go lotu na bung wantaim ol gutpela kristen bikos dai inap painim yu eni taim," Gibby i tok.

Dispela em wanpela Sande na tupela Miriam na Gibby i sindaun stori i stap. Planti manmeri i wok long i go i kam long lotu. Tupela i sindaun aninit long haus na i no tingting long go lotu tu. Tupela skelim tingting bilong tupela long lotu na wanem samting tupela i save laik long mekim. Tupela wantaim i yangpela manmeri. Tupela i pren tasol i stap. Krismas pilong tupela wantaim em 18

Tupela i bin go skul na pinisim gret ten na nau save wok wantaim. Planti taim Gibby save go kisim Miriam na tupela yet i save stori na raun wantaim. Haus bilong tupela i stap klostu long narapela arapela.

Nau long dispela moning, tupela wantaim stori i stap long pasin bilong lotu. Wanem kain bilip tupela gat na tingting bilong tupela long lotu.

"Mi yangpela yet na mi mas amamasim mi yet pastaim," Miriam i tok.

"Taim mi lapun liklik olsem wanwan wait-gras samting bai mi stat long go lotu.

"Mi ting olsem lotu em bilong ol marit manmeri na lapun liklik. Ol lotu long famili na famili bai stap orait. Ol lapun liklik bai dai klostu olsem na ol i mas redim ol yet.

"Mi yangpela yet na mi mas raun lukim ples, bungim planti manmeri liklik pastaim bipo long mi tingting long lotu," em i tok.

Gibby i tok: "Ya! Mi tu mi save gat wankain tingting olsem yu tasol hap aste tasol wanpela ka birua i kamap long fran long haus bilong mi na dispela i mekim mi pret nogut tru na mi laik traim senisim laip liklik.

"Mi sindaun na laik traim skelim dispela birua. Tripela yangpela i dai stret na wanpela ol i karim i go long haus sik. Mi tingting dispela wanpela go long haus sik tu bai dai bikos em kisim bikpela bagarap stret.

"Olgeta i bin dring bia inap tulait. Tripela meri na tripela man. Ating ol i mas go danis long wanpela danis ples.

"Narapela pikinini bilong wanpela bikman long gavman i bin kisim nupela Toyota Lenkrusa bilong papa bilong em. Ol Foapela i bin sindaun long beksait bilong ka. Putim han long narapela na pilai pilai stap.

"Narapela meri wantaim draiva i sindaun insait long fran bilong ka. Draiva i putim musik i go antap tru na tupela stap insait." Gibby i wok long stori long Miriam.

"Yu save, mani bilong gavman i sot na ol i no mekim kolta o stretim rot bilong ka. Planti hul i kamap namel long rot nabaut. Taim ol manmeri i no stretim ol dispela rot hariap. Ol dispela rot i save kamap wankain olsem mumu hul bilong ol hailans.

"Draiva bilong dispela ka i laik so-of long gelpren bilong em olsem em wanpela fit man bilong draiv. Em siksti nating. Man, amaspela ka em abrusim klostu klostu na flaim nating stret.

"Tingim spak sens wantaim na em i lus tingting long olgeta poroman na ol meri long beksait. Em siksti nating i kam na i no lukim dispela traipela mama bilong hul namel long rot. Ka i go daun na gimv stret long dispela



mama bilong hul namel long rot.

"Neks minit, olgeta foapela yangpela manmeri long beksait i flai antap long skai. Taim ol pundaun em ol i no pundaun antap long ka. Ka em siksti i go longwe pinis.

"Olgeta foapela i lap amamas i kam ya neks minit em olgeta i bamim stret kolta. Bodi bilong ol i bruk na rob nabaut nabaut." Peter wok long stori yet.

"Hap skin bilong ol i pas nabaut long kolta i stap. Ol plisman wantaim ambulens manmeri i karim stik nabaut i kam na ol i pulumapim ol hap hap bodi insait long bek na kisim i go long ais bokis bilong daiman.

"Wanpela yangpela i laki tru na em pundaun stret long dispela hul olsem na em tasol skin bilong em i orait tasol olgeta beksait bon na lek han bon i bruk nabaut nabaut. Em stap laip na ol kisim i go long haus sik.

"Ol manmeri i singaut na mi go daun long rot na lukim ol bodi stap olsem pipia long strit na mi kostu traud. Ai bilong mi i raun na mi tanim tasol na kam bek long haus.

"Man blut bilong olgeta i bung na ron olsem wara i go daun long sait bilong rot.

"Na traim tingim, olgeta i yangpela stret. Krismas bilong ol i wankain olsem bilong yu na mi. Mi lukim ol na mi tingim gen mi yet. Sapos i no ol na dispela ol dai man i mi. Mi bai mekim wanem? Mi no inap tokim dai long wetim mi bai mi senisim laip pastaim.

"Mi kirap nogut long lukim olsem dai inap painim yu na mi eni taim. em i no inap tingim sapos yu i go insait tru long wanpela hul bilong ston o ples we i gat strongpela banis na sekuriti long long en.

"Dai i no inap kaunim yuj wanem kain man. Yu bikman o liklik man, yu yangpela o lapun. Yu longlong o yu pipia man. Olgeta man i no inap tru long ronawe long dai. Dai bai stii bungim ol yet long wanem hap kona ol i stap long en. em i tok.

"Miriam, mitupela sindaun i stap na mi tokim yu, yu noken ting olsem yu yangpela na dai bai surik na wetim yu stap inap yu redi pastaim na em bai kam kisim yu.

"Nau tasol yu tokim mi olsem yu les long go lotu bikos yu yangpela yet. Lotu em samting bilong ol lapun na ol famili manmeri. Ol dispela fopela yangpela, dai i no tok ol i yangpela tumas long dai o ol i no mas stap liklik pastaim na go lotu, redim laip bilong ol pastaim na em painim ol. Ol dispela yang-

pela i no ting olsem dai i wetim ol long rot i stap na ol i redi. Ol dring bia, spak kranki na amamasim laip olsem yu tok yu laik mekim tasol abrus na olgeta i pinisim laip bilong ol," Gibby i tok.

Miriam i harim tasol tingting bilong em i noi senis. Em save olsem em i no inap dai hariap. Em yangpela yet. em save lukim ol kristen na ting olsem ol i no gutpela lainmanmeri. Ol i save stap tasol long haus na i no save go raun danis na dring bia long disko ples nabaut. Ol i no save smok, kaikai buai o mekim pamuk pasin.

"Mi dai bai mi dai. Mi no wari. Ol narapela manmeri bai amamas na mi bai nogat a? Mi tok long en bai mi mekim. Mi raun liklik pastaim na amamasim yang laip bilong mi pastaim na bihain bai mi lotu na tingting lon kamapim famili samting," Miriam i tok.

"Mi les pinis long dispela pipia toktok bilong yu long dai. Mi bai i no inap dai hariap. God i gat plen bilong mi na mi stap. Wanem toktok yu tok i no inap senisim mi olsem na yu noken tokim mi gen long go lotu o mekim dispela o narapela samting. Mi laik stap long laik bilong mi yet," Miriam i tok.

Gibby i bin senis na save lotu liklik bihain long em i lukim dispela birua i kamap olsem na em i laikim gelpren bilong em i mas mekim wankain pasin tasol Miriam i les pinis. Gibby bai mekim wanem? Em sindaun tingting i go na bihain long sampela narapela stori moa, em sanap na isi tasol em wokabaut i go long haus bilong em na senis pinis orait em i go lotu.

Gibby i tingting strong tru long kisim gelpren bilong em i go long lotu tasol em i painim hat na lusim. Planti taim em i go sindaun wantaim em na stori isi isi long traim grisim Miriam long go lotu tasol olgeta sande Miriam i save sindaun long kas kadis na pilai laki wantaim ol manmeri na em i no go lotu. Planti tgaim Gibby i wok long harim olsem Miriam i wok long go raun na danis nabaut long ol disko ples. Em dring spak na raun wantaim ol kankain man nabaut.

Tupela wik i go pinis ol i bin painim wanpela bodi bilong yangpela meri. Ol man i bin repim em na bihain katim nek bilong em wantaim naip na tromoi long bus. Ol manmeri ripot long plis na plis i bin kam na karim bodi bilong meri i go long haus sik.

Bihain ol i painim aut taim Miriam i no kamap long haus olsem bodi bilong em i stap long mok. Mama bilong em i go sekim

na painim aut olsem pikinini meri bilong em i kisim bikpela bagarap tru na i dai. Ol man i repim em pinis na katim olgeta bodi bilong em na bihain olsem rausim olgeta klos bilong em na em i stap as nating. Ol plis i bin karamapim bodi bilong em long wanpela pastik bek na lusim long ais bokis bilong daiman i stap.

Gibby i bin go sindaun long haus krai. Ol papamma bilong Miriam i bin karim bodi bilong Miriam i go na planim long matmat. Long karim bodi long balus, em i bin bikpela mani tru tasol tupela papamma bilong Miriam wantaim ol wantok bilong tupela i bungim mani na go lusim bodi long ples.

Nau em tupela wik i go na Gibby i no bin kaikai gut o samting. Gutpela pren bilong em i dai. Ating nau em stapo wantagim God long heven? Em i bin kisim wanem kain rot? Dispela ol kankain askim i wok long paulim het bilong em.

Sampela wik bipo, Miriam i bin sindaun na mekim pani. Em i tok olsem long ol yangpela olsem em yet i no inap dai. Dai em bilong ol lapun na marit manmeri tasol. Em yet i ting em bai stap longtaim liklik na bihain em bai dai tasol abrus na dai i painim em hariap tru. Naispela yangpela meri, husat i nogat wanpela asua. Bilong wanem sampela man i kilim em? Gibby kisim bikpela wari tru tasol ating dispela em plen bilong God? Ating em plen bilong satan long kisim Miriam? Gibby i paul olgeta na nau taim em tingim Miriam, em wok long tingting i go bek gen long dispela hap stori bilong em long foapela yangpela i dai na Miriam i no bilip olsem dai bai painim em tu. Miriam bin mekim pani na tok dai i no inap tasol nau em i dai pinis.

"Ating i mas i gat planti yangpela olsem Miriam i stap insait long kantri? Planti moa i save ting olsem dai i no inap painim ol. Bilong wanem na ol i no kirap na luksave olsem dai em inap painim ol long wanem hap kona ol i stgap long en," em wok long tingting.

Gibby promisim em yet olsem em bai traim tokim olgeta yangpela olsem dai ken kam eni taim na olgeta i mas redi i stap. Ol i mas lotu na redim ples bilong ol long heven na ol i noken tingting tumas long amamas bilong dispela graun. Olgeta mas tingim olsem i gat wanpela God husat i bin kamapim olgeta samting. Na tu dai bai bungim yumi olgeta.



Rot long Kumul, spia na kundu i kamap long em



LONG bipo bipo tru long wanpela ples i gat tupela lapun marit wantaim tupela pikinini man bilong tupela i save i stap. Ol i stap i go i go nau bikpela brata i tokim liklik brata olsem em bai wokim wanpela kundu bilong paitim na bai tupela singsing.

Orait taim tupela i mekim kundu pinis orait ol i stat long painim sain bilong palai o snek long putim antap long kundu na paitim.

Na taim tupela i painim dispela ol samting bilong putim long kundu tasol na tupela i save kisim ol rop bilong banana kukim long paia na putim antap.

Taim ol i laik paitim lip bilong banana i save bruk ol save mekim i go na ol les olgeta.

Orait long dispela taim lapun papa i sindaun klostu long tupela pikinini bilong em na i wok long lukluk i stap. Na taim em i lukluk long tupela bilong em. Em i wari nogut tru long tupela pikinini bilong em.

Taim em mekim olsem pinis em i go long haus na tokim lapun meri olsem em i hangre pinis, orait lapun meri i tainim saksak na kukim ol drai binatang bilong saksak na putim long em. Taim em kaikai pinis em tokim lapun meri olsem bai go slip long haus boi. Taim em, tok olsem em, stat long wokabaut i go long haus boi.

Taim em i kamap long haus boi i em i painim wanpela bikpela palai pinis na slip arere long rot bilong haus boi i no long taim bikpela pikinini i laik ol long

toilet na a lukim bikpela palai i slip arere long leda bilong haus boi i stap.

Taim em lukim pinis em ron i kam bek long haus na tokim liklik brata long lukim wanpela bikpela palai i slip arere long diwai i stap. Taim em i painim brata bilong em i go na tupela i kilim dispela palai.

Taim ol i kisim i kam long haus tupela stat long rausim skin bilong dispela palai. Na ol i stat long painim lapun papa bilong tupela Mama i tokim tupela yu long go painim papa bilong ol long haus boi. Taim tupela i go painim lapun papa long haus boi tasol nogat.

Bihain long nait lapun papa i kam long driman na tokim tupela pikinini olsem bikos ol i wokim kundu na painim skin palai long putim olsem na em i sori long ol na em kamap olsem palai. Na i

kilim em.

Taim tupela i putim skin bilong dispela palai antap long kundu na em i paitim dispela kundu olgeta ples harim.

Olsem long dispela taim tupela i wari long papa na lusim dispela ples. Na bihainim bik bus i go na kamap long bikpela baret nau.

Bikpela brata i go supim wara Aplis wantaim kundu na go olgeta, orait liklik brata i kisim spia na bihainim bikbus na i go.

Olsem nau yu save lukim tu kina mani i gat paradais na spia na kundu em bilong tupela brata, na bikpela brata i go long wara na em i tanim kamap pukpak na liklik brata i go long bik bus na i kamap kumul bilong bus.

Samson Sully Madang

Mi laikim helpim daunim hevi

ken kamap bihainim dispela.

Wanpela samting mipela i ken tokim yu long en em, traim glasim dispela hevi yu gat long kros kwiktait. Dispela pasin i ken kamapim bagarapim long bodi bilong meri na tu gutpela sindaun long marit laip biong yutupela.

Bai yu no inap kamap wantaim gutpela ansa long daunim hevi sapos yu save bel hat kwiktait. Tru, yu ken fosim meri bilong yu long wokim samting tasol sapos em i wokim egens long laik bilong em, em bai no inap givim gutpela luksave long yu.

Wanpela rot we yu ken bihainim long daunim dispela hevi bilong yu em taim yu pilim olsem yu laik pairap nau, orait, traim givim taim long "painim bel kol". Dispela i min olsem taim yu pilim olsem yu kros, kwiktait yu lusimm ol arapela lain na yu go long wanpela wokabaut raun yu yet. Yu ken wokabaut inap bel bilong yu i kol na kros bilong yu i pinis. Taim yu wokim dispela na yu wokabaut isi i go bek, bai yu kisim gutpela tingting long sindaun na toktok long wanem samting i mekim yu kros wantaim meri bilong yu.

Sampela krismas i go pinis, Lo Rifom Komisin i bin kamapim wanpela vidio piksa ol i kolim

"Stap isi". Vidio piksa ya taim em i autim ol hevi na pasin bilong pait long marit laip, i givim tu ol gutpela rot long bihainim long daunim pasin bilong bel kros na pait. Mipela i askim yu long lukim dispela piksa.

Yu ken askim Welfea opis, Lo Rifom Komisin, Pablik Laibreri o sampela lain insait long komyuniti husat i gat dispeal vidio bilong givim yu na yu lukim.

Maski em i hat long wokim, gutpela rot long daunim dispela hevi em long tupela pipel husat i bungim hevi long sindaun na paitim toktok gut. Na pulim tingting long tupela sait wantaim bilong glasim, skelim na daunim hevi.

Taim yu glasim gut ol samting na yu save olsem i no gutpela pasin long yu i belhat hariap na paitim meri bilong yu na ol arapela lain, bai yu save sekim (kontrolim) bel kros bilong yu, maski ol hevi i kamap.

Bai i gutpela moa long toktok wantaim meri bilong yu na askim em long lus tingting long ol bel hat pasin we yu wokim long en na luksave olsem yu bai senis. Na yu laikim helpim long sait bilong em tu.

LAIPLAIN



Nem: Giviens Jeck
Krismas: 19 (man)
Adres: P.O. Box 850, Amele, Madang Province.
Save laikim: Pilai gita na kibot, go lotu, ritim baibel teks, waswas long solwara, raun wantaim ol mangi na kuk long wara o nambis, tok pilai wantaim ol poro pren wantaim ol arapela meri long narapela provins salim presens na bihain marit.

Nem: Elaisa I.
Krismas: 33 (meri)
Adres: Kapiura Plantation, Bilomi Division One, P.O. Box 451, Kimbe, WNBK.
Save laikim: Tok pilai wantaim ol manki na ol mama tu. Raitim pas long penpren na salim mani i go kam.

Nem: Bobo Wals
Krismas: 18 (man)
Adres: C/o - Roberta Wurne, Wati Sup Health Center, P.O. Nuku, Sandaun Province.
Save laikim: Mi laik lukim vidio, pilai kot ai na ron long basikol. Mi promis long bekim olgeta mi kisim.

Nem: Natex Aturam
Krismas: 14 (man)
Adres: Wangbin Community School, P.O. Box 636, Tabubil, Western Province.
Save laikim: Pilai boksing, ragbi bal, gita, harim gospol singing na raitim pas i go kam wantaim narapela brata susa long narapela provins. Na senisim samting o presens nabaut wantaim narapela susa brata long narapela hap.

Nem: George Joe
Krismas: 13 (man)
Adres: Nangbin Community School, P.O. Box 502, Tabubil, Western Province.
Save laikim: Pilai soka, painim abus, pilai gita na go skul.

Nem: Harry Saman
Krismas: 14 (man)
Adres: Wangbin Community School, P.O. Box 302, Tabubil, Western Province.
Save laikim: Ritim buk, painim abus, wokim gaden, go skul.

Nem: Maluty Yonnis
Krismas: 14 (man)
Adres: Wangbin Community School, P.O. Box 302, Tabubil, Western Province.
Save laikim: Harim musik, pilai soka, go skul.

Nem: Esau Melau
Krismas: 20 (man)
Adres: P.O. Box 850, Balibal Village, Madang, Madang Province.
Save laikim: Pilai soka, raun wantaim ol mangi na swim long wara, go lotu, ritim baibel teks, laik long swim long solwara, pren na bihain marit.

Nem: Rose Lucas
Krismas: 17 (man)
Adres: Sarakolok Primary School, P.O. Box 617, Kimbe, WNBK.
Save laikim: Pilai volibal, soka, go

lotu, harim musik, na go waswas

Nem: Lema Jonah
Krismas: 16 (meri)
Adres: Grace Memorial High School, P.O. Box 44, Wau, Morobe Province.
Save laikim: Go lotu, go long skul, wokim hom wok, senisim poto, raun lukim narapela ples stap long hau lotu, harim gospol musik.

Nem: Melda Jonah
Krismas: 16 (meri)
Adres: Wau SDA Church, P.O. Box 76, Wau, Morobe Province.
Save laikim: Go lotu, wokim bilum, go long gaden, harim gospol musik, senisim poto na ol presens na go lukim narapela ples.

Nem: George Quaicoe
Krismas: 18 (man)
Adres: C/o - Mr Duncan Williams, P.O. Box 1466, Tema, Ghana, South Africa.
Save laikim: Mekim penpren.

Nem: Rapsen Amilen
Krismas: 19 (man)
Adres: Buluma SBLK, P.O. Box 162, Kimbe, WNBK.
Save laikim: Harim gospol musik, go long lotu, tokples wantaim ol gel pren na salim pas wantaim ol presens na bihain marit.

Nem: Simon G. David
Krismas: 20 (man)
Adres: Insase Trading, P.O. Box 3045, Busu Road, Lae, Morobe Province.
Save laikim: Ritim baibel, go lotu, harim gospol musik, salim samting na aidia wantaim narapela brata, susa, salim tok bilong God wantaim narapela wantok.

Nem: Lini Lenda
Krismas: 16
Adres: P O Box 1543, Mt Hagen, WHP.
Save laikim: Singsing lotu, go lotu, lukim na harim oil kristen singsing na go hukim pis long wara.

Nem: Slone Monex
Krismas: 18 (man)
Adres: Mela Trading, P O Box 131, Aitape, Sandaun Province.
Save laikim: Pilai spot, wokim penpren. lukim TV na raun waswas.

Nem: Greg Moses
Krismas: 19 (man)
Adres: Rombi trading, P O Box 119, Aitape, Sandaun Province.
Save laikim: Lotu na harim musik.

Nem: Michael Mau
Krismas: 19 (man)
Adres: Rombi Trading, P O Box 119, Aitape, Sandaun Province.
Save laikim: Pilai soka, lukim TV, go lotu na waswas long wara.

Nem: Cyrian Api
Krismas: 19 (man)
Adres: Mela Trading, P O Box 131, Aitape, Sandaun Province.
Save laikim: Pilai spot na go lotu.

Nem: Oscar Mona
Krismas: 18 (man)
Adres: Mela Trading, P O Box 131, Aitape, Sandaun Province.
Save laikim: Lukim TV, go lotu na tok pilai wantaim ol poroman.

Nem: Jojamz Koso
Krismas: 19 (man)
Adres: Rombi Trading, P O Box 119, Aitape, Sandaun Province.
Save laikim: Go lotu, pilai spot na tok pilai.



Dia Laiplain,
Mi laikim sampela gutpela helpim long stretting hevi wantaim meri bilong mi, we long wankain taim, mi no laikim pait i kamap.

Taim mitupela meri bilong mi i save gat hevi, mi save bel kaskas kwitaim na paitim em.

Pasin we mi save bel hat hariap i mekim mi pret. Bai mi wokim wanem long daunim dispela samting?

TOUCHY

Dia Pren,
Yu stap pinis long rot bilong daunim hevi we yu gat long bel hat kwiktait bikos yu luksave pinis long hevi na antap tu long en, yu luksave olsem pasin long paitim meri i no gutpela samting. Na yu pret pinis long samting i

KANAGE



Wanpela nait Kanage na poro bilong em i go painim pis long wara Walo. Kanage sindaun arere i stap na poro bilong em i wok long pulim pis long string lain. Poro bilong Kanage pulim tupela pis, na tokim Kanage olsem, "wanpela pis bilong yu na narapela bilong mi. Yu mas holim i stap." Kanage sindaun i go na hangre kilim em. Na em kirap nau kaikaim pis bilong em. Poro bilong em kirap nogut, bikos wanpela bun paiarap olsem dok save kaikaim bun bilong pik. Na em i askim Kanage, "Poro yu kaikaim wanem samting? Taim mitupela lusim haus mitupela i no bin kisim sampela kaikai, so meit yu kaikai wanem samting?" Kanage bekim olsem: "Poro mi bin tok meri bilong mi painim bikpela sik, mi no kaikai wanpela samting. Mi holim pis i stap. Mi yet kaikai." Poro kirap nogut na tok olsem: "Bilong mi yu holim stap, bilong yu kaikai, orait. Dispela kaikai em nogat nem ah? Kolim nem bilong em." Kanage bekim na tok: "Pis ya! Poro i tok olsem: 'Yu kukim na kaikai ah?' Kanage i tok olsem, 'Cooked-one-new one em bilong mi yet. I no bilong yu! Mi no olsem yu bai mi kaikami nupela.' Man, poro bilong Kanage lusim olgeta samting na ronawe i no isi. Kanage ting olsem poro ya lukim wanpela tambaran na ronawe. Kanage bihainim poro. Poro ting: "Man ya kaikaim nupela pis nogut em kaikaim mi tu." Man tupela poro yet ya ronawe tasol kam long haus gen.

Fillings Pawa K Mt Hagen

Kanage i stap long Lae, Morobe provins. Em i laik go painim wok long Kutubu. Em i go long Nazab ples balus na askim meri wok long teminol. Em i tok, "Mi laik i go long Kutubu na mi laik kisim tiket. Meri ya i bekim tok: "Balus bai i go long 3.30am." Kanage i kisim tiket long 9 klok na em i tok: "Bikpela taim i stap yet. So mi mas go painim sotpela meri." Yu ting em tok long wanem sotpela meri? Em bia tasol. Em i kisim 12-pela botol na i go sindaun aninit long diwai. Em i dringim 10-pela pinis na em i lukim taim bilong em na taim sanap olsem 3.25pm na em i kisim tupela botol na go long ples balus. Spika i tok: "Husat laik i go long Kutubu em nau, balus bilong go long Kutubu i stap." Kanage kisim 2-pela botol na i go insait. Em i dring tupela botol insait long balus pinis na bihain em i tok, "Plis paiot, holim long blek maket. Mi laik painim sampela sotpela motu meri." Paiot i tok: "Dispela i no ka na bai mi holim. Yu save o nogat? Em yu kam long balus, ating sotpela meri paulim yu pinis o olsem wanem? Yu noken larim em bagarapim het gasket bilong yu. Yu mas kontrolim sotpela meri." Das manki Kanage Kande i harim dispela na tok em i daunim het na slip long sit bilong balus.

Saki L. Opoka Goroka

Kanage wok long plantesen na wanpela taim bos waitman kisim em na tupela i go long taun long baim sampela kaikai na tupela baisikel bilong ol Supavaisa bai ol i go i kam na sekim ol boi long wok. Tupela kamap long taun na baim olgeta samting pinis na lodim. Liklik teksi ya i pulap stret olsem na nogat moa spes bilong fiksism 2-pela baisikel i go wantaim. Kanage askim bos: "Bos, yu draivim ka wantaim ol kago i go pas long stesin tasol lusim 2-pela baisikel na bai mi isi isi i kam bihain." Waitman harim na askim Kanage: "You can't ride them both, can you?" Kanage i no klia gut long tok Inglis olsem na em bekim na tok: "Sori bos, mi nogat dispela samting ya!" Bos paul gen long bekim bilong Kanage na em i tok, "I mean, you can't paddle both bicycle at the same time, can you?" Kanage paul olgeta na bekim: "Bos, sori tru, mi tok pastaim ya, mi nogat dispela samting ya." Waitman belhat olgeta na askim Kanage: "OK, then what will you do, you have 4 legs to use, haven't you?" Kanage painim hat long bekim olsem na em i tok: "Yes, bos, mi gat difrens wan na

yu tu yu gat sem kain laik for me." Sem taim em poinim pinga i go daun long poro bilong em. Bos paul olgeta na em kalap long ka na das i go pas long plantesen.

Joe Morris Lae

Kanage em bilong Moian long Kiunga, Westen provins. Wanpela taim ol skul gret 1 manki i kam aut long 10 klok rises na ol i lukim paps Kanage i sindaun long veranda long haus bilong em i stap. Na ol manki singaut na askim em: "Paps, inap yu tokim mipela ansa bilong 1x1?" Na lapun Kanage i kirap na krosim ol, "Ah, wanem! Yupela ting mi manki bilong yupela ah? Ansa em 2." Man ol manki i kirap i no isi long kilim skin long lap na tok ansa em (1) na wantu belhat bilong em pinis nating long hap.

Sam Soson Kiunga

Kanage i wok long Mt Hagen Jeneral haus sik. Em i wanpela ambulans draiva long 2 klok nait. Wanpela teliphon i kam long Kagamuga ples balus. Wanpela meri i karim pikinini na Kanage i kisim ambulans go long midel rot. Em i lukim long mira wanpela daiman i stap. Em i go olgeta na daiman tu i rori tupela i go olgeta na daiman tu i ron tupela i go olgeta na daiman tu i ron tupela i pundaun nabaut long rot. Daiman em i no tru tru daiman. Em i wanpela tambu man em i dai na sekyuriti i rausim em long haus sik i go long ambulans ka. Kanage wantaim daiman tupela i go na kisim dispela meri i kam long haus sik.

Peter Wally Lewis Anis Mt Hagen

Kanage bilong Tairocks long Kainantu distrik. Em i namba wan taim tru bilong papa Kanage i go spin long Kainantu taun. PMV bilong ples i go lusim em long maket na em i wokabaut i go antap long KSS mes. Kanage rausim K8 long poket na givim stua kipa na tokim em long givim em wanpela yelo kek wantaim wanpela 500ml kuding oil. Kanage baim pinis na kisim i go aut na em kaikaim dispela kek na opim ai bilong kuding oil na dring wantaim kek. Oil i bin pulap long maus bilong en em i no pilim bikos em pes

taim bilong Kanage ya. Klostu Kanage i laik pinisim dispela 500ml kuding oil nau wantok bilong em wokabaut i kam na lukim em. Man em i lap i dai stret long Kanage na tokim em, "Dispela em i no bilong dring nating wantaim skon. Em bilong kukim wantaim kumu na kaikai." Na Kanage i tok: "Sori mi ting lolwara."

Martin Balo Kainantu

Wanpela taim Kanage i pilai stap. Em i gat wanpela pikinini na ol gat wanpela pik tu i stap. Wanpela taim em wantaim meri bilong em i kros. Na papa Kanage laik tokim bebi bai stopim bebi nogat, bebi tok by-by mama na tekov na papa bel kaskas. Em i go slip long nait na papa kisim kaikai go givim long pik na sem taim pren bilong Kanage i kam na askim Kanage: "Bai yu go long Olympik tu o?" Papa Kanage i no harim gut. Bebi tokim: "Paps Kanage bai yu go long holim pik tu o?" Na papa tok: "Yu orait o mi no kam long holim pik." Kanage paitim pikinini bilong em nogut tru.

Russel Cheong Vanimo

Kanage i bilong ples Kobex long Is Sepik provins. Wanpela taim kandre bilong Kanage i laik go long Vanimo long Sindaun kandre bilong em. Sip i go sua na tupela wokabaut i go ausait long geit. Na kandre bilong Kanage i lusim em. Nau kandre i paul na Kanage i karim liklik beg na em i sanap i stap. Em i paul na painim kandre bilong em i go i go inap apinun. Man bel bilong Kanage i hat nogut tru long kandre bilong em. So em i go na askim wanpela bas draiv olsem: "Hey yu kisim mi i go na lusim mi long Wisipi Ailan." Bas i go lusim em long Wisipi Ailan. Na Kanage i go long plawa maket na askim ol meri i salim plawa i stap. Na em i tok: "Yupela i save long kandre bilong mi em i stap long hia o nogat?" Na ol tu i paul long Kanage na ol i askim em? "Husat em kandre bilong yu. Kanage kirap na i tokim ol meri: "Nem bilong em Tuo-Tuo. Tasol Hotel meri i harim tokples bilong Kanage na ol i lap i dai stret. Kanage sem pipia na lus nating long dispela hap.

Alfred Hro Vanimo

KANAGE



INO LONGTAIM NA OL MERI KAM NA SINGAUT PIS ISTAP...



OL MERI PAPUA GO SALIM PIS LONG RENBOW VILES LONG GEREHU...



NAU KANAGE KISIM WANPELA NA KAIKAI TASOL... INO TAN...



KANAGE EM HANGERE TRU NA SINDAUN AUTSAIT LONG HAUS BILONG EM...



OL MERI LUKIM NA OL I TEK-OFF..



Petroleum Resources Gobe Limited

Dispela toksave em i bihainim namba wan toksave i kam long Gobe Lidasip Komiti (GLC) husat i bekim toktok long ol ripot i kamap long nius we i sut long wok bilong Petroleum Resources Gobe Limited (PRG).

Hia em bekim bilong ol dispela toktok:

1. PRG i gat 2 % sea long Gobe projek. Na em i kisim 2 % wel i kamap long dispela projek na em i pasim tok wantaim opis bilong BP long Singapo long salim dispela wel.
2. Mani ol i kisim long dispela wel i save go stret long US Dollar benk akaun bilong PRG long ANZ Pot Mosbi Brens. PRG i no putim mani bilong en long ol ovasis akaun.
3. Dispela ANZ US Dollar akaun em i wok i stap na Bank of PNG i save na i givim tok orait long ol i opim aninit long Sentral Benking Ekt.
4. Aninit long tokorait i stap nau, MRDC i givim edvais long we PRG i ken investim mani. Mani ya em ol i investim long Treseri Bonds o IBD long US Dollar na Kina.
5. Ol i bihainim stret rot bilong skelim mani:
 - 5.1 Namba wan, stretim olgeta pe bilong ol samting i kamap long projek, dispela i karamapim tu royalti mani na Baset bilong Kampani;
 - 5.2 Namba tu, stretim olgeta edministre sen kos aninit long manesmen agrimen long manesmen bilong 2% intres long projek;
 - 5.3 Namba tri, skelim sampela mani bilong putim long invesmen long nem bilong ol benefeseri;
 - 5.4 Namba foa, skelim mani i go long ol benefeseri (ol papagraun) long rot ol i makim long skelim mani.

(Long Gobe projek ol no mekim bikos long ol kros i stap yet.)

6. Ol mani em ol i no nidim long operesen em ol i senisim i go long kina na putim long ol benk na fainesenel institusen na long Treseri Bil. I no gat mani i go long ol ovasis akaun.
7. Ol operesen bilong PRG na ol invesmen em i kamap bihainim tingting bilong Bot bilong Kampani.
8. Ol buk na akaun bilong PRG em wanpela autsait odita i sekap long en olsem lo bilong Kampani Ekt i tok. Ol mani ripot bilong PRG i stap wantaim enuel ritens na ol pablik i ken lukim dispela ripot long opis bilong Kampani Rejista na Invesmen Promosen Atoriti. Ol IPA memba i ken lukim displea ripot.
9. Ol ripot i kamap long nius i toktok long mani em PRG i holim long ol benk akaun ovasis na hia long PNG tu. Dispela ol ripot i no tru. Husat pablik i laik kisim tru ripot bilong kampani, orait go lukim IPA.
10. Mani ripot bilong PRG long 1998 na 1999 i stap pinis wantaim IPA. Odit bilong yia 2000 em klostu bai i redi. Na yu ken lukim dispela ripot tu long Kampani Rejistri na IPA namel long yia 2001.

Mipela i toksave long ol pablik long stapim dispela ol giaman toktok long nius long wok bilong PRG.



PHILIP KENDE

Siaman

Petroleum Resources Gobe Limited

Dated: 19 March, 2001



SP BREWERY LIMITED

SP Brewery i laik tok save long olgeta patisipen long
SP lager Winim Nissan Navara Ute promosen olsem
dispela ol i droim pinis long wan wan rijen

Ol Winas:

SOUTHERN REGION

Mr. Audop Waringi
P.O. Box 7653, Boroko
National Capital District

MOMASE REGION

MR. Jackson Kupa
P.O. Box 1765, Lae
Morobe Province


HIGHLANDS REGION

Mr. Papua Mogia
P.O. Box 715, Goroka
Eastern Highlands Province

NEW GUINEA ISLANDS REGION

Mr. Tau Tau Kala
P.O. 1848, Rabaul
East New Britain Province

Bikpela tenkyu long sapot bilong yu.



Funeral Program for Late AKUSON KAIA

Date	Activity	Time
30th/03/2001	Depart from Lae	11:00am
	- Arrive at Wau < Home >	2:00pm
	- Pr. Bangan Mambu Pray	
	- Lutheran Church Mama Clameau Welcome the Body Casket carried by 3 policemen and 3 leaders	
	- Layed at Family home for the night	
Day Saturday		
31st/03/2001	Refreshment	10:00am
	Casket carried by:	
	- 2 men from Kalsenik Village	
	- 2 men from the Community of Wau	
	- 2 men from Wau Police Force to the Ambulance and depart for the Funeral Service at Redeemer Lutheran	11:00am
	Master of the Ceremony Pr. Maigan:	
	Welcome Speech	11:05am
	Song: Redeemer Youths	
	Opening Prayer: Pr. Maigan	
	Song: Redeemer Youths	
SPEAKERS:	11:10am	
- Life History	- Family Rep	
- Bart Ipambonj	- District Administrator	
- Papa Garua	- Community Rep	
- Danny	- Village Rep	
- Family Rep.		
- Open Speech < Public Welcome to give Speech >		
Song: Redeemer Lutheran Youths/Kongregesen	10:30am	
Proaching: Pr. Walo Koya < ALC Church >		
Closing Prayer:		
Last Viewing	12:00noon	
Casket carried by Wau Policemen to the entrance. Welcome by the PNG Defence Force with a Guard of Honour. PNG Defence Force carry the Casket out of the Ambulance to the Cemetery.		
Final Words from Pr. Maigan and layed the Body to Rest.		

FOR THE CHEAPEST RATES IN TOWN...CALL

OUR SALES TEAM ON


TELEPHONE

325 2500

FAX

325 2579

for your Advertising requirements



Bagore holim yet wok presiden

MADANG Volibal Asosiesen (MVA) i makim Willie Bagore long holim yet posisen bilong presiden long narapela tupela yia.

Ol arapela opisel bai wok wantaim Bagore em Paul Gavora (vais presiden), Derrick Yekolsa (sekretari) na Anna Kadam (tresera). Na ol memba bilong komiti em Elma Gedabing na Julius.

Miting tu i makim wanwan sabkomit long lukautim wok bilong tonamen, fanraising, judiseri na teknikel.

Bagore i tok Steven Kadam i kisim wok siaman bilong tona-

VOLIBAL RIPOT

men, Moses Walegik (fanraising), Jim Tamate (judiseri), Derrick Yekolsa (match) na Elma Gedabing (teknikel).

Grenfainel bilong MVA i kamap las wik we Wantok i autim Bilbil. Na Wantok tu i soim moa strong long rausim sempion tim Tsunami Tidal Waves tim.

Bagore i amamas tru long ol nupela eksekutiv we em i gat bilip olsem ol bai mekim wok long ranim volibal long provins. Em i amamas long Steven Kadam na Derrick Yekolsa i

kisim wok olsem wanpela eksekutiv memba.

Nau yet MVA i singaut long ol tim long putim nem long Jacob Warna Sil we bai kamap long ista wiken. Ol singaut pinis na i askim ol tim long kam givim nem na baim fi bilong nominesen.

Em i tok nominesen fi K30 long wanwan tim na rejistresen bilong ol pilaia em K1.

Presiden i tok amamas i go long ol tim husat i joinim asosiesen bihain long pri-sisen. Ol tim ya em Tusbab Haikul, Excels (NSP) Madang Tech (Tiduk).

Nu Kaledonia kamap memba bilong OFC

NU KALEDONIA i kamap olsem wanpela asosiesen bilong em yet na i no moa memba bilong Frens Futbol Federesen (FFF).

Dispela muv ya i min olsem Nu Kaledonia nau i ken kisim helpim i kam stret long FIFA na tu Osenia Futbol Konfederesen na i no inap kisim tasol sapot i kam long French Futbol Federesen.

Ripot i kamap long niuspepa long Nu Kaledonia, Les Nouvelles Caledonienes

SOKA RIPOT

i tokaut olsem Nu Kaledonia bai kamap olsem wanpela tim long Osenia na i no moa tim bilong Frens.

Em i min olsem Futbol Federesen bilong Nu Kaledonia (FFNC) bai kisim helpim long FIFA na rijonel bodi.

Presiden bilong FFNC Claude Fournier i amamas tru long Nu Kaledonia i kamap independent futbol asosiesen.

"Mipela laik opim Nu

Kaledonia futbol long olgeta kantri insait long rijon. Em i min nau mipela i ken stap insait long priliminari raun bilong ol FIFA kompetisen.

"Mi ting spirit o toktok bilong Noumea accord i karim karkai. Na namba wan samting em long kamap memba bilong OFC na bihain mipela i ken kamap memba bilong intanesenel soka bodi, FIFA."

Noumea accord em ol i sainim long 1998 namel long pro-indipen-

dens, anti-indipendens na Praim Minista bilong Frens Lionel Jospin we i tok Nu Kaledonia i mas kamap o joinim eria bilong em, olsem Saut Pasifik.

"Dispela nau bai kirapim skin bilong ol soka pilaia bilong mipela," Fournier i tok.

Soka long Nu Kaledonia na Frens i wankain. Em i bikpela tim spot stret insait long kantri we i gat 200,000 pipel na 8,600 pilaia i rejista long las soka sisen, 2000.

NCD makim ruls tim bilong Cairns

NCD Ruls Futbol Lig (NCDRL) i makim pinis wanpela trening skwat long go pilai insait long Not Kwinsten sempionsip long Australia. Dispela sempionsip ya bai kamap long Kwin Betde wiken (Jun 8-11) long Cairns.

Presiden bilong NCDRL Dominic Kaumu i tokaut olsem dispela Not Kwinsten Sempionsip we bai kamap long Carsyles stadiurn i pulim 5-pela tim pinis. Ol tim ya em Cairns 1, Cairns 2, Combined Townsville, Mackay, Western Australia AFL na NCD.

Kaumu i tok dispela skwat i gat ol yangpela na eksperiens pilaia. Fainel skwat bai kamdaun long 30 pilaia.

Presiden tu i tokaut long nem bilong tim menesmeri em Scott Reid na Joe Logha. Reid em sempion kosa bilong NCD husat i kosim University Bulldogs long winim primiasip las yia.

Em i tok olsem tupela opisel ya, Reid na Logha, i gat plani eksperiens tru long lukautim tim.

Kaumu i laik olgeta pilaia i mas kamap long Colts Graun long statim trening bilong ol long narapela wik Trinde. Em i askim olgeta pilaia long bung long dispela wik

RULS RIPOT

Fraide long stretim sampela toktok.

Em i tokaut tu olsem bai i gat wanpela Anda 16 tim tu bai makim NCD long dispela tonamen. Dispela tim bai salensim Cairns-Select sait long sem wiken taim ol sinia i salens long Not Kwinsten sempionsip.

Ol selekta bai makim dispela tim klostu taim. Na ol opisel bilong Anda 16 em Stanley Tavul (kosa) na menesa em Anneka Linge.

Sinia skwat em Sebastian Isu, Francis Dau, Richard Aupae, Ken Kora, Jackson Gavuri, Jacob Madu, Cliff Kua, Jack Sabio, Seri Tolom, Zachary Isu, Dickson Omara, Sandy Rava, Patrick Valuka, Luke Savere, Peter

Kaore, Ben Tape, Joseph Lapangas, Alphonse Gale, Mathew Gale, Elvis Loke, Paul Kaogo, Michael Ben, David Gavara, Sam Tokilala, Michael Balema, Meli Mondo, Philip Bego, Wena Kadam, Nick Balbal, Titus Sangapuna, Lawrence Lukeri, John Karogo, Fidelis Kelteri, Boisen Gela, Paskalis Atalau, Brian Martin, Overa Gibson, Junior Lapan, Walter Yangomina, Jack Dick, Peter Meli, Pepe Kila, Danny Maisu, Milton Gori, Jonah Jack, Luke Valau, Peter Mangaea, Boas Keu, Paul Laupu, Davod Bola, Mathew Aka, Nick Apamumu, Giru Luke, David Poli, Rex Leka, Douglas Lai, Vagi Lai, Lailai Ila, Greg Yangomina, Mathew Angai, Navu Maha na Alphonse Gela.

Ol pilaia i mas rejista: Murphy

JENEREL Menesa bilong Papua Niugini Ragbi Lig (PNGRFL) Kevin Murphy i tok save long ol memba lig noken larim ol pilaia i no rejista i pilai. Sapos ol i larim ol i pilai, ol bai kamapim bikpela hevi tru long insurers. Murphy i autim dispela toktok las wik taim rejistresen bilong ol

pilaia na opisel i wok long kam isi tru long opis bilong em.

"Ol ligs na club husat i memba bilong PNGRFL husat i pilai bai painim hevi sapos wanpela pilaia bilong ol i painim hevi. Dispela em bikos plani ol pilaia i no kam aninit long PNGRFL insurers Polisi."



POM netbal laik strongim junia



PRESIDEN bilong Pot Mosbi Netbal Asosiesen (POMNA) Pole Kassman i laik strongim junia tim insait long kompetisen bilong em.

Kassman husat i kisim wok presiden long narapela tupela yia i laik ol sinia klab i mas stap na sapotim ol junia tim.

"Planti ol junia tim i no tren gut bikos nogat ol supevaisa. Olsem na ol sinia tim o klab i mas traim helpim ol tim bilong ol. Planti ol junia tim em ol skul tim we planti taim ol tisa i no save stap orait, ol sinia tim i mas kisim ples na lukautim sapos tisa i no stap."

Misis Kassman i tok nau yet Lae em i sempion bilong Anda 13 na Pot Mosbi em i sempion bilong Anda 15 na Anda 17.

Em i tok dispela wiken, 12-pela tim ol i kisim pinis long makim Anda 13, Anda 15 na Anda 17 skwat. Pot Mosbi bai putim 4-pela tim long wan-

wan divisen we bai kamap long junia sempionsip long Pot Mosbi long ista wiken.

Insait long jenerel miting, ol i makim ol nupela opisel tu. Pole Kassman i kisim wok presiden, Iga Lahari kisim vais presiden, Jane Wickham i kisim wok sekretari na Helen Edwards i kisim wok tresera. Ol opisel ya bai holim wok long tupela yia.

Junia sempionsip bai kamap long ista na ol sinia i surikim sempionsip bilong ol i go long Epril 28.

Afiliesen fi bilong ol pilaia nau i op. Ol sinia tim bai baim K30 na rejistresen bilong ol pilaia em K15, na junia pilaia bai baim K15 na rejistresen fi bilong ol em K10.

Kassman i tokaut olsem bai i gat 154 tim olgeta insait long junia divisen na 72 tim bai salens long sinia divisen.

RAGBI LIG RIPOT

Rejistresen em long helpim ol pilaia na opisel i bihain konstitusen bilong nesenel ragbi lig bodi, PNGRFL. Murphy i laik tok kila olsem ol lig i afiliet i no min olgeta samting i stret, nogat. Ol i mas baim rejistresen bilong ol pilaia tu. Em i askim ol opisel long traim stretim ol dispela

rejistresen na ol i ken stap insait long resis bilong PNGRFL. Sapos ol i laik pilai, ol i noken westim taim long stretim ol dispela samting. Jenerel menesa i askim ol pilaia long kamap long trening graun long baim ol rejistresen bilong ol. Lig i mas save olsem ol i mas gat 17 pilaia long wanwan tim husat i afiliet long lig na rejistresen bilong ol pilaia tu.



IKEN WOKIM GUTPELA SAMTING LONG YU

Ol Spot Dro

PORT MORESBY SOCCER ASSOCIATION

Saturday, March 31, 2001

BISINI ONE (1)

08:00 D2 Nomads vs Mungkas
09:10 Y2 Pom Int. Sch vs Gordon Secon.
10:30 W2 BFW PS United vs Tawala
11:45 D2 Verave vs Aigob
13:00 W1 Orogen vs WMI
14:10 D1 Sobou vs Naniu
15:20 Y1 BFW PS United vs Babaka
16:20 Prem Rapatona vs YM2

BISINI TWO (2)

08:00 D3 Bipi vs Wanzesi
09:10 Y2 Sunset vs Bavaroko
10:30 W2 Cyclone vs HLB Pom United
11:45 D1 Blue Kumuls vs Cyclone
13:00 W1 LBC Defence vs Sobou
14:10 D1 HLB Pom United vs Tarangau
15:20 W1 Telikom vs Guria
16:20 Prem ANZ University vs Kula

UNI OVAL

09:00 D4 Rapatona vs YM2
10:20 Y Cosmos vs SP Brewery
11:20 D4 Cosmos vs SP Brewery
12:45 Y LBC Defence vs Guria
14:00 D4 LBC Defence vs Guria
15:20 D3 Dolos vs Eda Ranu

Sunday, April 1st, 2001

BISINI ONE (1)

08:00 D2 Nisco vs Bulolo Mocs
09:20 W2 Rapatona vs Madgauns
10:30 D1 Murat vs Kurti Andra
11:45 W1 Cosmos vs Bavaroko
13:00 W2 Murat vs Kula
14:10 D1 Tawala vs Dobo Futz
16:20 Prem LBC Defence vs Guria

BISINI TWO (2)

08:00 D2 Adau vs Buresong
09:20 W2 Falcon vs SP Brewery
10:30 W1 ANZ University vs Tarangau
11:45 D2 Bao Mitas vs WMI
13:00 Y1 Rapatona vs YM2
14:10 Prem BFW PS United vs Babaka
16:20 Prem Cosmos vs SP Brewery

UNI OVAL

08:00 Y ANZ University vs Kula
09:20 D4 ANZ University vs Kula
10:20 D3 Bavaroko vs Kutu
11:30 Y2 HLB Pom United vs Gerehu Bros
12:45 D4 BFW PS United vs Babaka
14:00 D3 Duau vs Rainbow West
15:20 D3 Monier Kayaks vs Sunset

MADANG AMATEUR VOLLEYBALL ASSOCIATION WEEKEND DRAW

Saturday, March 31, 2001.

Round 1 - Game 1

Men's Division

P/Sharks vs Raugele (1)
Tsunami (2) vs Riwo (2)
Jail Birds vs Malabor
Wantoks vs Tsunami (1)
Riwo (1) vs Kalibobo
S/Sharks vs Telikom
Tusbab vs Mateco
Yagong vs Exist
CSI vs Raugele (2)

Sunday, April 1, 2001.

Game 2

Exist vs Mateco
Tusbab vs Malabor
Yagong vs CSI
Jail Birds vs Riwo (2)
Raugele (1) vs Raugele(2)
Tsunami (1) vs Telikom
Wantoks vs Riwo (1)
P/Sharks vs Kalibobo
Tsunami (2) vs S/Sharks

Saturday, March 31, 2001.

Women's Division

Bilbil vs Riwo
P/Sharks vs S/Sharks
Malabor vs Jail Birds
Raugele vs Kalibobo
Telikom vs Normads
CSI vs Tusbab
Wantoks vs Tsunami

Sunday, April 1, 2001.

Game 2

Wantoks vs Telikom
Jail Birds vs Kalibobo
Bilbil vs Tsunami
P/Sharks vs Normads
Malabor vs Tusbab
Raugele vs S/Sharks
CSI vs Riwo

PORT MORESBY MEN'S SOFTBALL ASSOCIATION

Preliminery Finals

Sunday 1st, April, 2001

DIAMOND 1

09:00 C Manolos vs K/Kopex
11:15 B Manolos vs B/Eagles
13:30 A Gazelle vs Manolos

PORT MORESBY WOMENS SOFTBALL ASSOCIATION

SEMI FINALS DRAW

Diamond Three

09.30 Manolos vs NGI C
11.30 Dolphins vs SP B
13.30 Mazda Carps vs Norths A

LAHI SOCCER ASSOCIATION - 2001

City Shop Pre-season Challenge

Quarter Final Draw - Sunday, April 1, 2001.

Stadium

G35 Women 0800 Asiawe vs Guria
G36 Women 0930 Elcom vs Defence
G31 Men 1100 Defence vs TTC
Bullets
G32 Men 1230 Unitech vs Rapatona
G33 Men 1400 Guria vs Sobou 1
G34 Men 1530 Bugandi vs Sobou 2

Points Ladder

Pool - New 1

Team	W	D	L	Gf	Ga	Gp	Pts
Guria	3	-	-	14	2	12	9
TTC Bullets	2	1	-	12	6	6	6
Kurti Andra	1	-	2	7	13	-6	3
Eastern Stars	-	-	3	1	13	-12	0

Pool - New 2

Defence	2	1	-	7	3	4	7
Sobou 1	1	2	-	5	3	2	5
Murat	1	1	1	4	4	0	4
Arnotts	-	-	3	0	6	-6	0

Pool - New 3

Unitech	2	1	-	13	4	9	7
Sobou 2	1	1	1	5	3	2	5
Milne Bay Utd	1	-	2	5	9	-4	3
Elcom	1	-	2	5	11	-6	3

Pool - New 4

Bugandi	3	-	-	11	1	10	9
Rapatona	2	-	1	8	6	2	6
Asiawe	1	-	2	5	5	-2	3
Huonville	-	-	3	-	10	-10	0

Pool - Women

Elcom	3	-	-	12	1	10	9
Defence	2	-	1	5	2	3	6
Asiawe	1	-	2	3	7	-4	3
Guria	-	-	3	0	9	-9	0

Toksave

Salim ol dro, risalts na poin lada i kam long Wantok

Niuspepa long Tunde olgeta wik. Salim long Spots Edita:

Fax: 325 2579 o ringim em long telepon no: 325 2500



• Netbal eksen i wok long kukim stret Sir John Guise stadium.



• Straika bilong Yuni Ben Lakasa (raithan) i traim hat long rausim bal long lek bilong fulbek bilong PS United.



• Foapela susa ya i sanap soim ol yunifom wanwan jon bai yusim long Nesanel Jon ragbi lig sempionsip.



• Nick Tata bilong NGI i laik winim hom bes tasol ketsa bilong Elcom i tu gut na autim em insait long Pot Mosbi men's sofbal resis.



□ Fulbek bilong 1PIR Taurama wimens tim i rausim bal egensim ol meri BPNG long Pablik Sevan soka resis.



IKEN WOKIM GUTPELA SAMTING LONG YU

Bears bukim namba wan spot

SEMPION tim, Aisi-Bishman Bears i bukim namba wan ples long gren fainel taim ol i winim Norths long mesa semi final 7-2 las wiken long Pot Mosbi wimens sofbal kompetisen long Bisini oval.

Dispela win bilong Bears i soim olsem ol bai pilai namba faiv taim long gren fainel.

Insait long maina semi fainels, Mazda Carpz i autim Wantoks 8-5. Mazda nau bai bungim Norths long painim aut husat tru bai salensim AB Bears long fainel.

Eksperiens bilong Delin Bais na Wendy Katusela i helpim tru AB Bears long no westim taim na skoa.

Bais i rekotim namba wan poin taim Margaret Joseph i paitim wanpela gutpela bal i go long autfil, na Katusela i kam hom taim sot stap bilong Norths Mechtel Raymond i no holim gut bal taim Joyce Inguba i paitim bal.

Taim Joseph i wok long stapim ol Norths wantaim gutpela pising bilong em, ol wan pilai bilong em i taitim bun long mekim bisin skora long apinun.

Katusela i soim gufpela fom taim em i paitim tu-bes hit long bringim

PMW SOFBAL RESIS

Antonia Tatai na Tessie Komek long kam hom. Dispela nau i apim skoa bilong ol meri Bears i go long foa na Norths i no skoa yet.

Insait long namba tri ining, Norths stat long paitim gutpela bal na Ellie Marsipal i kam hom taim kepten Mechtel Raymond i paitim wanpela gutpela bal i go long autfil.

Pala Manet i paitim wanpela gutpela bal long bringim em yet i kam hom long rekotim namba tu poin bilong Norths. Dispela em las poin bilong Norths.

Orait AB Bears i taitim difens long no larim ol pilai bilong Norths i kam hom.

Tasol Veronica Ulavai i ketsim wanpela bal bilong Komek na autim Tatai long semtaim na stapim AB Bears long skorim poin.

Bais i soim olsem em i no lapun yet na paitim wanpela gutpela bal na pundaun klostu long banis na sanap long namba tu bes. Orait Katusela i kisim bet na bringim em i kam hom.

Inguba i bringim Bais na Katusela i kam hom taim em i paitim wanpela gutpela bal i go long senta fil.

PMSA i surikim de bilong statim 2001 sisen

POT Mosbi Soka Asosiesen (PMSA) bai i no inap statim soka sisen bilong em inap olgeta tim na klab i baim ol afiliesen na pilaiia rejistresen fi bilong ol.

Presiden bilong PMSA Fabian Chow i autim dispela toktok olsem sapos nogat ol dispela fi, ol soka pilaiia long Mosbi i ken sapa. Em bai i no inap larim tru kompetisen i stat inap olgeta fi i stret.

Dispela em wanpela bikpela toktok we bai kamap long dispela wiken long Lamana Conference Room long dispela wik Sarere. Miting ya bai stat long 10 kilok long moning na olgeta klab opisel i mas kamap. Bikpela toktok em long ol fi ya.

POM SOKA RIPOT

Na em i askim olgeta lain husat i memba bilong klab long PMSA i mas soim pes. Sapos yu soim pes, yu bai laki long sampela kain helpim nogat, dua bilong Bisini Soka graun i op i stap, yu ken wokabaut i go aut.

Mista Chow i tok hap afiliesen bilong K350 na pilaiia rejistresen i pas pinis long Mas 9. Na em i askim olgeta klab na tim long pinisim ful fi bilong ol long pinis bilong dispela mun (Mas 30).

Em i mekim tok lukaut olsem wanem ol klab i no pinisim ol dispela fi long de ol i makim, ol bai rausim tasol.

Presiden i tokaut olsem ol klab i laik kisim klab membasip na pilaiia rejistresen fom i mas kamap long haus malolo bilong ol referi. Olgeta klab i mas salim pilaiia rejistresen wantaim tupela poto. Sapos nogat poto, nogat rejistresen.

Arapela bikpela samting tu ol eksekutiv bilong PMSA i laikim em ol klab i mas givim nem na telepon namba bilong olgeta opisel bilong ol. Dispela em wanpela we ol i ken kisim toktok long ol ya.

PMSA i singaut tu i go long olgeta klab long putim tim long yut divisen. Wanem klab i laik givim nem i mas lukim ol opisel bilong PMSA.

POM mens sofbal i makim tupela tim

PMM SOFBAL RIPOT

SEKRETARI bilong Pot Mosbi Mens Sofbal Asosiesen (POMMSA) Zemo Apo i tokaut long nem bilong tupela skwat bilong ol long nesanel sofbal sempionsip we bai kamap long Ista wiken long Pot Mosbi.

Tim wan i gat ol biknem pilaiia na Tim tu i gat ol yangpela pilaiia husat bai mekim nem liklik taim bihain.

POM One: Anslern Bunbun, Nelson Klap, Apisai Guguna (pitsa), Cornelius Bunbun, Daniel Mong (ketsa), Pedro Kinavai, Len Palauva (Fes Bes), Jerry Albert, Dick Bart Junior (seken bes), Paul Bogan, Demas Tovia (namba tri bes), Damin Wartovo, Pius Martin (sot stap), Tony Daple, Paul Tabete (outfil), Lucas Marut, Bobby Bais, Chris Avuchulas, Abiuda Ilikis Junior (utiliti).

Ol opisel em Chris Bais (kosa), asisten kos em Mano Wulla na menesa em Steven Raphael

POM Two: Pascalis Pinia, Esau Vinarang, John Ilam (pitsa), Nason Albert, Levi Uralia (ketsa), Alister Tavol, Mark Simon (Fes bes), Nigel Tata, Isikel Tovia Junia (seken bes), Simon Daniel, Bernard Diap Junia (sot stap), Tul Malisa, Chris Timi (namba tri bes), Joe Avuchuals, Severin Baibai, Alois Odus (outfil), Alan John, Darius Nathaniel, Danny Evald na Nick Baibal (utiliti). Ol opisel em Isikeli Tovia, Noah Kimi (asisten kosa) na menesa Tred ToVue

Apo i tokaut olsem wanem ol pilaiia i no kamap gut long trening bal aut long dispela skwat bilong sempionsip.

PAINIM BAL RESIS NAMBA 2

JAKPOT K200 TRAIM NA WINIM



RUL BILONG PILAI:

1. Makim X long boks long poto yu ting bal i stap
2. Makim X long pen tasol
3. Katim poto long sisos na salim long: *PAINIM BAL RESIS NAMBA 2, Wantok Niuspepa, P.O. Box 1982, Boroko, NCD.*
4. Nambawan entri i makim stretpela hap bal i stap, em bai win.
5. Las de bilong kisim ol entri em Fraide Mas 30, 2001. Nem bilong wina long mun Mas bai kamaut long Wantok bilong Epril 5, 2001.
6. Long Wantok bilong Epril 5, 2001 bai gat nupela K100 prais mani resis bilong Mun Epril. Bai gat resis bilong olgeta mun i go inap mun Desemba, 2001.
7. Disisen bilong komiti i makim wanpela wina em i fainel.
8. Wina bai kisim sek mani, na i no long kes.
9. Raitim nem na adres bilong yu: **Nem**..... **Address**.....
..... **Krismas**.....
10. Yu ken salim moa long wanpela entri, tasol no ken yusim poto kopi.
11. Ol famili o pikinini bilong ol wokman meri bilong Wantok i no inap stap insait long dispela resis.

Brown Eagles bagarapim tru maina primia

BROWN Eagles i soim olgeta pawa bilong em long wilwilim stret maina primia, Manalos, long winim namba wan spes long Pot Mosbi mens sofbal kompetisen las wik long Bisini Graun.

Eagles i daunim stret pawa bilong Manalos 8-1 long sambai tasol long gren fainel we bai kamap bihain long tupela wik.

Man i go pas long dispela win em intanesenel pitsa, Anslern Bunbun bilong Brown Eagles. Em i rekotim wanpela ten tri (13) K2 long soim olsem em i stap yet namba wan pitsa long kantri.

Na long maina semi fainel, Gazelle i bagarapim tru driman bilong ol yangpela Elcom tim long pilai insait long fainel. Ol Gazelle i win 2-1 na nau bai bungim Manalos long priliminari fainel.

Dispela win bilong Gazelle i soim stret olsem ol tu i gat laik long salensim namba wan birua bilong ol Brown Eagles. Tupela tim ya i

save pilai planti taim long fainel na bai gat strongpela salens tru long wiken.

Ol boi Matupit i amamas tasol bikos Anslern Bunbun na Lucas Marut, man i spesel long paitim hom raun i helpim tim long kam long fainel ya.

Ol Manalos pilaiia husat i kisim K2 long Bunbun em Philip Samuel (3), Danny Mong (2), Baibai Severin (2), Oscar Karai (2) na Danny Evald (2). Paul Bogam na Simon Manet i go bek long dug-out bihain long ampala Fabian Tadoi i tokaut olsem ol i no bihainim gut rot.

Pitsa bilong Manalos Nelson Klap i kisim bikpela presa tru bikos ol beta bilong em i no paitim gut ol bal bilong Bunbun.

Tasol pitsa ya husat i wok long kam isi isi long antap i soim pawa taim em i autim Cornelius Bunbun na Chris Timi.

Eksperiens beta Damin Wartovo i statim

kempen bilong Brown Eagles taim em i paitim wanpela gutpela bal abrusim namba tu bes na go long autfil.

Cornelius Bunbun i wokim wanpela bant na kam hom na taim Paul Bogam bilong Manalos i kisim bal i no lukluk na tromoi nating bal long seken bes we nogat wanpela pilaiia i stap. Olsem na dispela i helpim Wartovo long kam skorim namba wan poin.

Marut i paitim wanpela gutpela bal long bringim Bunbun i kam hom long go pas wantaim skoa 2-0.

Wartovo i skorim namba tu poin bilong em long pinis bilong namba faiv ining. Orait Marut i paitim wanpela hom ran na bringim Bunbun na Alan John i kam hom.

Manalos i no bekim wanpela poin orait, Marut i paitim wanpela hom ran gen long bringim Wartovo na Bunbun long kam winim dispela gem.



IKEN WOKIM GUTPELA SAMTING LONG YU



WANTOK SPOT



Bikpela pait tok- tok bai kamap long PNGFA miting

HENRY MORABANG i raitim

PAPUA Niugini Futbol Asosiesen (PMGFA) i singaut askim ol memba asosiesen long afiliet na kamap long Anuel Jenerel Miting (AGM) long narapela wik. Miting ya bai kamap long Lae.

Sekretari bilong PNGFA Ivan Ngahan i tokim Wantok aste olsem nau yet 6-pela memba tasol i baim hap afiliesen fi. Ol memba asosiesen em Pot Mosbi, Kimbe, Manus, NBPOL, Enga na Buka.

Em i tok PNGFA i gat 11-pela memba asosiesen. Na 6-pela i baim pinis na arapela 5-pela i no baim yet.

Mista Ngahan i tok olgeta memba asosiesen i mas stretim afiliesen fi bipo long Epril 6 long kamap long miting. Sapos wanem asosiesen i no stretim afiliesen fi, em bai i no inap vot long miting na sindaun nating.

Em i laik tok klia olsem olgeta asosiesen i mas aplai long kamap memba. Ngahan i tok em i no min olsem taim yu baim afiliesen fi em yu kamap memba. I gat sampela hap tok tok long afiliesen fom, wanwan asosiesen i mas bihain bipo PNGFA i ken givim ful membasip.

Mista Ngahan i askim wanem ol nupela asosiesen i laik memba i mas kamap long dispela miting tu long putim aplikesen. Nau yet, Enga Soka Asosiesen tasol i memba long PNGFA na ol arapela senta long Hailens nogat.

Insait long miting bai i gat sampela ol bikpela toktok i kamap. Sampela ol bikpela toktok em:

- Kalenda 2001
- Developmen Program 2001-2005
- Goal Projek (we bai kamapim Soka Akademi (koles)

- Fainensal Ripot
- Presiden Ripot
- Askim bilong sapatim minit bilong 1991 AGM na Roll Call

Sekretari i tokaut olsem dispela miting em bikpela samting tru. Olsem na sapos wanem ol asosiesen i laik toktok long ol kain developmen, i mas kamap long dispela miting bilong PNGFA.


Mista Ngahan i tok bai i gat sampela tenis i kamap long konstitusen. Na em i tok dispela em wanpela bikpela ajenda we ol mausman bilong wanwan lokal asosiesen i mas putim toktok bilong ol.

Em i singaut i go long tripela bikpela senta Lae Futbol Asosiesen (LFA), Lahi na Madang long kam joinim PNGFA.

I gat planti ripot i kamap pinis we askim presiden bilong Madang S o k a

Asosiesen, Peter Angassa long joinim PNGFA. Madang i no memba bilong PNGFA bikos ol i no baim afiliesen fi.

Mista Angassa i tokaut olsem ol i no memba bikos ol i no save kisim helpim i kam long



PNGFA o OFC long mekim wok bilong soka.

• Hailens Rijnol Soka Asosiesen bai holim AGM bilong ol long dispela wik long Nesanel Spots Institut. Dispela miting bai kamap long dispela wik Sarere na olgeta memba i mas kamap. residen David Chung i laik lukim pes bilong olgeta presiden insait long Hailens rijen long dispela miting.

Ragbi union statim developmen program

JOHN PANGKATANA i raitim

PAPUA Niugini Ragbi Futbol Union (PNGRFU) i statim pinis Gem. Developmen program bilong em taim ol i holim Level One Referi kos.

Presiden bilong Queensland Ragbi Union Peter Gofton i go pas long ranim dispela referi kos wantaim helpim bilong PNGRFU Developmen opisa, Ian Liveras. Dispela referi kos bai kamap long Pot Mosbi, Lae na Kokopo.

Kos ya i bin kamap pinis Pot Mosbi na Lae na tude, bai kamap long Is Nu Briten. Vais presiden bilong Rabaul Ragbi Union Donald Tokuanai bai bungim ol yangpela husat laik kamap referi long dispela kos.

Daru sapos long salim wanpela referi tasol nogat.

Gofton em holim Level 2 kosing setifiket na referi. Em i save wok olsem saveman bilong IRB logn wok referi na i save ranim planti kos bilong Australia Ragbi Union.

Em i tok "Stretim referi em i oisem wanpela gutpela poroman long strongim wok bilong ragbi union, long kantri."

"PNG em i liklik kantri long Wol Ragbi Union tasol Sevens tim bilong em i wok long kamap gut long intanesenel tonamen we i gut long helpim ol lokal klub insait long wanwan asosiesen.

Gofton i tokaut olsem gem bilong ragbi union nau i wok long hariap na i gat planti spit we i gutpela long ol yangpela mani. Sapos ol yangpela i save long lo bilong union taim ol i liklik yet, em bai helpim tru taim ol i go kamap sinia pilaia.

Liveras husat i helpim Gofton em i edministresen opisa bilong PNGRFU. Em i tokaut olsem dispela kos em bilong helpim lain husat i tingting long kamap referi long sindaun long Level One Accreditation Kosa we bai kamap long bihain taim.

Em i tok dispela kosa em program bilong PNGRFU long lukautim Gem Developmen Program insait long kantri.

"Sapos i gat gutpela referi, olgeta man o sapota bai kamap long lukim gutpela ragbi union.

"Hevi bilong gutpela referi long lokal kompetisen em i no bilong nau. Na i gutpela tru kain helpim nau i kamap.

Liveras i tok dispela kos em bilong helpim ol lain i sindaun long kos long go bek long klub bilong ol na lainim ol arapela pilaia.

Level One kosing kosa bai kamap long Pot Mosbi (Epril 2), Lae (Epril 3) na Epril 5 (Kokopo).



IKEN WOKIM GUTPELA SAMTING LONG YU

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.